

宋

會

要

凶禮 后喪

章憲明肅皇后

仁宗明道二年三月二十七日夜三鼓皇太后崩于寶
慈殿遷座于皇儀殿遺詔曰吾受遺先朝保助今聖綿
歷十載憂勤一心以天下之母儀沐人君之榮養皇帝
深於孝愛濟以英明精窮治道之源洞該文武之術智
燭微隱性敦儉慈典刑協中動靜循理杜絕畋游之好
樂聞獻替之言吾得以罄竭所懷翊隆時務內仰成於
銜弼外分寄於藩維迄臻大寧無愧前古而涼暄所迫
筋力寢衰膝理爽和焦勞邁疾皇帝躬視省侍備極禱
禳藥必先嘗衣不解帶而吾大期云及積恙無瘳以耆

暮之年見升平之運獲從先帝寧魂九原質於常情夫
復何恨緬惟文武以及軍民荷三朝之厚恩當四葉之
昌祚必傾亮節永奉聖君吾參輔朝經既踰旬歲今於
武衛宜有推恩內外諸軍將士並與特支在京文武文
僚并外處管軍臣僚並與支賜皇帝邦國事繁人神屬
望宜思遠大勿徇哀傷更賴年股肱近臣共為開釋皇
帝成服之後三日內聽政服紀以日易月一依舊制在
京文武群臣十三月而除諸長官及近臣觀察使以上
臨於宮庭其餘職官臨於官門外諸道州府長吏以下
三日釋服軍人百姓不用縞素沿邊州府不得舉哀制
服釋服之後勿禁作樂園陵制度務遵儉省勉從吾志

勿事勞煩 初遺詔有云皇太后與吾同事先朝脩彰
懿範自今朝之臨御亦共贊於內謀爰屬茲辰允當崇
奉宜尊為皇太后往者皇帝踐阼方在冲年吾稟先帝
遺言權助軍國今皇帝統臨一紀盛德日新此後聽斷
一依祖宗舊規如有軍國大事皇帝與太后內中裁旨
商量是時帝久臨御盛德已著中外相望親政及宣告
之際尚有裁旨商量之語往往竊議浸淫聞上乃令中
書門下擬去遺詔中皇太后事不須班告天下於是群
臣相慶知帝明睿獨斷出前古遠甚有司因得用咸平
舊章以正其禮 三十日召群臣詣皇儀殿宣遺詔臨
哭見帝于殿之東廂奉慰太常禮院言宗室削杖不散

髮餘如乾興之制中書樞密使相比宗室去斜經垂帽
首經及杖翰林學士至龍圖學士已上并節使度文武
二品已上又去中單及袴兩省御史臺中丞文武百官
已下諸軍指揮使副兵馬使三班殿直已下四脚副巾
連裳腰經中書樞密院主事以下前後殿都知押班已
下亦如之工部尚書李廸太子少傅致仕晁迥御史中
丞蔡齊兩使留後陳堯咨並曾任近職請依學士例破
服館閣讀書翰林待詔技術官並給孝服宰相文武百
官朝哺臨三日內外命婦朝臨三日皇帝成服後未聽
政前百官日詣皇儀殿門進名參起居聽政後百官遇
假不入餘日詣崇政殿序班參起居二十七日禪除服

服常服群臣皆黑帶卒哭始純吉服皇帝成服日及小
祥百官皆入臨移班奉慰大祥禫除及卒哭日並詣皇
儀殿門奉慰唯中書樞密入兩省觀察使以上入殿哀
致奠訖赴殿門立班山陵前遇朔望不視事百官並詣
皇儀殿門奉慰神主未祔廟日並詣西上閤門奉慰皇
帝聽政日於崇政殿西廊東向陳設御座百官西向立
班參起居班首少前跪奏讀皇帝聽政宣徽使承旨退
稱制可餘如舊儀從之詔外國陵為山陵命宰臣呂夷
簡為山陵使翰林學士盛度為禮儀使章得象為儀仗
使權御史中丞蔡齊因薄使權知開封府程琳為橋道
頓迎使

後夷簡等并兼莊
皇太后園陵五使

入內內侍押班盧守懃右班

副都知閻文應為山陵按行使東津院使岑守素為山陵修奉都監馬軍副指都揮使高繼勳為山陵一行都總管守勲等亦兼領園陵之名四月一日群臣詣皇儀殿朝晡臨自是五月上詔遣東上閤門使曹琮告哀於契丹莊穆皇后崩不專遣使赴告止令邊臣錄詔命報之今特命告哀分遣使諭路告諭及出遺留物賜輔臣有差 二日群臣上表請聽政自是五表始詔答允三日召輔臣對皇儀殿西廂赴工部尚書寺地自河陽命翰林學士韋得象充契丹遺留國信使崇儀使安繼昌副之並約先帝遺物二千數供備庫副使李用和特遺物賜西平王趙德明衣物銀器絹有差六日太常禮院言准明德皇

太后園陵禮例凶仗合用六十事詔增造二十事於建
隆觀製造 八月成服群臣哀服入臨奉慰如儀是日
攢塗于皇儀殿群臣復進名奉慰命宰臣張士遜撰哀
冊文參知政事陳堯佐撰謚冊文并書冊寶翰林學士
馮元議謚號 十日太常禮院言準詔同司天監詳定
山陵制度皇堂深五十七尺神牆高七尺五寸四面各
長六十五步乳臺高一丈九尺至南神門四十五步鵠
臺高二丈三尺至乳臺四十五步詔下宮更不修蓋餘
依 石門一合二段長一丈二尺五寸闊六尺厚二尺
越額一長一丈八尺高四尺五寸厚二尺五寸直額一
長一丈八尺闊四尺厚二尺五寸挾二長一丈二尺闊

二尺五寸厚二尺門砧二長五尺闊二尺五寸厚二尺
門砌三闊厚二尺二寸長六尺一長三尺槓鏤柱一長
一丈三尺五寸闊二尺厚一尺漆燈盆一座盆高四尺
五寸徑三尺座方二尺五寸厚一尺臘燈燭臺一座高
二尺徑一尺五寸宮人二高八尺闊二尺五寸厚二尺
土襯二長四尺闊三尺五寸厚六寸座二長三尺五寸
闊三尺厚八寸文武官四身高九尺五寸闊二尺五寸
厚二尺土襯四各長四尺闊三尺厚六寸座四長三尺
五寸闊二尺五寸厚八寸羊四高六尺五寸闊六尺厚
二尺五寸土襯四長七尺闊三尺五寸厚六寸座四長
六尺五寸闊二尺五寸厚八寸虎四高六尺五寸闊五

尺厚三尺土襯四長六尺五寸闊一尺五寸厚六寸座
四長六尺闊三尺五寸厚八寸馬二長一丈頭高六尺
厚三尺五寸土襯四長七尺五寸闊四尺五寸厚八寸
座二長七尺闊四尺厚八寸把馬官四高八尺五寸闊
二尺五寸厚二尺土襯四長五尺五寸闊三尺厚六寸
座四丈五尺闊二尺五寸厚八寸望柱二長一丈四尺
徑二尺五寸土襯二方四尺五寸厚六寸座二方三尺
師子八高六尺五寸闊五尺厚三尺土襯八長六尺五
寸闊五尺厚六寸座八長六尺闊四尺五寸厚八寸
十一日小祥群臣入臨釋服奉慰如儀 十三日帝哀
服御崇政殿之西廂廂始聽政群臣以次參起居帝哭

慟不自勝契丹賀乾元節使耶律信寧等到闕捧大行
皇太后書詣皇儀奠殿靈座前置奠其日契丹使副
見皇帝訖次詣皇儀殿幕次中書樞密先入至奠陛下
再拜上香奠茶酒再拜訖升殿詣座前分左右侍立禮
直官宣事舍人贊引契丹使副至殿門上捧書俱入詣
殿陛下北向立定跪內侍一員接書由東階升殿跪置
於靈座前契丹使副再拜班首詣香案前三上香奠茶
酒俱再拜訖而退十五日群臣詣皇儀殿進名奉慰
太常禮院言准明德太后禮例中外禁樂至百日請如
故事從之十六日雄州上言契丹賀乾元節使迴迎
送未審舉樂與否詔不舉樂十七日群臣上表請御

正殿自是三上表詔各允二十七日始御紫宸殿 十
八日山園使言往回程頓欲依乾興殿自京至陵所十
程自陵所回京五程詔可 十九日太常禮院言准例
兩省御史臺館閣官各撰挽詞二首下太常寺教習從
之二十三日大祥群臣詣皇儀殿進名奉慰 二十五
日禪陰群臣奉慰如儀 二十七日以宰臣張士遜為
山園使御史中丞范諷為園簿使叅知政事王隨撰謚
冊并書冊寶 呂夷簡出知陳州蔡齊為三司使故也是
日翰林學士馮元請上尊謚曰莊獻明肅皇太后詔恭
依 議曰臣聞謚者行之跡名者實之賓然則謚行相
符名實無與傳之不朽在乎至公若乃至母之尊節惠

斯異議之於官府考之於朝廷書之於冊寶讀之於清
廟上之於梓宮藏之於金匱實古今之攸重非臣子之
敢專恭惟大行皇太后毓粹柔嘉含章敏惠奉事先帝
登建中宮率四教以有倫閱群言而罔倦存躬儉之志
美播萬世推逮下之恩仁均樛木豈惟表正於閭則抑
亦內助於朝經頗歷歲時允臻安靜及乎膺道揚之終
命申燕翼之遠謀協佑嗣皇述宣至化文修一德並覽
萬機探政治之本原識憲章之體要親臨祕殿共對邇
臣咨訪賢能講求機務辭氣溫裕智慮洪深有善必從
無言不聽朝幾廢食是忘勞夙夜憂勤始終齋肅承偃
武之昌運保持盈之令圖然後嚴奉裸將恭升太室於

以申追養於以謝成功皇帝仰紹先猷俯遵慈訓敦孝
恭而不匱承志意以無違克諸存虞舜之心吾繼建武
王之治其或會朝嘉序拜慶誕辰國郊四展於鴻儀軒
陛再加於徽號未嘗不恭趨帷帝盛集臣僚祝萬壽以
稱觴奏九韶而盡禮愛親化於民俗榮養光於簡編九
域風從順時而述職四夷景慕納貢而來庭遠夫侍疾
宮闈徧嘗藥石夜不遑寢晝不解衣卑恩宥於萬邦設
祈禳於百祀方循陔而竭力遽陟屺以纏哀乃眷官司
特頒詔令致喪之具加於舊儀彰善之名倍於常數所
以極優崇之典導感慕之懷耳謹按謚法履正志和曰
莊聰明睿智曰獻無幽不察曰明威德克就曰肅總夫

衆美奉於尊名昭示後昆永隆徽稱伏請上尊諡曰莊
獻明肅皇后 五月初一日以諡號敕下群臣詣皇儀
殿奉慰 十三日賜 內藏庫錢三十萬給山園用
度 十四日禮儀使言準明德皇太后園陵禮例儀仗
二千三百三十四人今山園歇如所詔可 六月二十
一日司天監言宜用十五日丁丑時安葬吉詔可 二
十五日賜山園役兵布背搭手巾 七月二月太常禮
院言山園合用花釵禮衣各一副請下少府監修製按
乾興禮例齋郎六十人攝挽即行事歇依明德皇太后
園陵例不用並從之 九日太常寺言山園各排園薄
儀仗合用導引六州十二時歌詞六章請下學士撰付

寺教習從之 十日卒哭近臣觀察使以上詣皇儀殿
庭文武百官殿門下拜奠退進名奉慰 八月一日契
丹祭奠弔慰使副到闕文武百官兩省都知押班已下
並常服黑帶素鞵羈禁止在京音樂使副入皇儀殿祭
奠并進慰書文武百官並詣殿門外進名奉慰朝辭日
祭奠弔慰使副先詣皇儀殿靈座前奉辭訖次紫宸殿
朝辭 所司預於皇儀殿前御座垂簾又於東楹南向
設御座其日祭奠弔慰使副自朝堂由西上閣門至皇
儀殿外幕次並素服祭奠弔慰使皂冠蹠蹠副使素紗
展脚撲頭並白羅衫黑鞵帶俟皇帝服素服依齋七日
宮中之服及有司設祭奠酒食等畢禮直官宣事舍人

贊引祭奠弔慰使副俱詣神御座前階下北向立定殿
上簾捲祭奠使副並舉哭再拜殿上皆哭引祭奠使副
升殿西階神御前祭奠使一員三上香奠茶酒畢祭文
及書祭奠使啟封中書舍人二員跪捧祭奠副使跪讀
訖內侍捧受置於神御前降階復位又舉哭再拜禮直
官宣事舍人贊引祭奠弔慰使副並稍東立禮直官宣
事舍人先退未祭奠前皇帝升御座中書樞密於使副
未入前先參起居侍立次館伴使副入見如儀祭奠畢
宣事人引弔慰使副等於階下當御座前跪進慰書慰
上垂簾閣門使一員受書升殿進呈弔慰使少立候上
啟封讀訖皇帝舉哀簾捲閣門使引弔慰使升慰詣御

座前稍南傳語及回問如儀引降階復位宣事舍人引
眞祭使副并弔慰使副下已俱合班北向立定舍人贊
拜各兩拜班首奏聖躬萬福又贊拜隨拜三呼萬歲引
班首稍前致詞奉慰畢歸位又贊拜如謝茶藥御筵及
撫問即依例出班致詞謝訖退歸幕次改常服赴客省
賜茶酒使副隨行從人並令門見侍使副歸館別差近
上臣僚押賜御筵其日後殿不坐至朝辭日御紫宸殿
引祭奠弔慰使副等入詣庭其起居朝辭受書及支賜
並依闕門舊儀 三日禮儀使言神主回京未委於甚
殿權安選日祔廟詔於皇儀殿權安用十月十七日祔
廟 六日禮儀使言檢會明德皇太后啟攢文武百官

呈親各服初喪之服內庭諸色人員及從五使執事職
掌只服本色公裳祇應將來啟櫬欲依禮例從之 十
三日太常禮院言將來山園應沿路州縣官吏並服初
喪服出城奉迎并辭並舉哭再拜畢改吉服俟山園禮
畢神主回京即並常服出城再拜奉迎并辭再拜訖退
詔依 十四日賜山園役兵工匠和雇百姓布袍袴頭
巾麻屨 二十二日太常禮院言每年十一月日宰臣
已下及軍員諸班並著所賜錦袍襖子入謝將來十月
一日靈駕在路並合只著常服謝從之 二十三日太
常禮院言山園發引長行所排吉凶儀仗慮上路交雜
欲望至板橋合為一處排列前引莊懿皇太后靈駕先

次進發莊獻明肅皇太后靈駕以次進發掩皇堂日各
於遂陵排列候神主至宿頓幄殿却合為一處次日進
發莊獻明肅皇太后神主先行莊懿皇太后神主以次
而行詔依二十四日太常禮院言將來莊獻明肅皇
太后啟攢後百官並服初喪之服前後殿都知押班已
下并軍員三班使臣伎術官更不服初喪之服並常服
黑帶文武百官俟至板橋奉辭畢並權改常服黑帶次
日純吉服俟神主至京日並常服黑帶五使已下俟掩
皇轎並常服黑帶候祔廟已畢並純吉服詔可二十
八日禮儀使言將來十月五日下午事已前各自內地幄
殿奉遷梓宮至遂道前幄帳下行事臣僚并諸色祗應

人等並吉服候莊懿皇太后掩皇堂畢其服孝服者裡改吉服立班題神主畢却服孝服俟莊獻明肅皇太后掩皇堂畢並改吉服詔依 九月四日太常禮院言山園五使依乾興例更不朝拜諸茂將來靈駕發引群臣至板橋奉辭次日西上閣門進名奉慰掩皇堂畢并神主到京皇儀殿奉安訖及祔廟禮畢群臣並詣西上閣門進名奉慰訖退五使已下俟掩皇堂訖進表奉慰並從之 五日太常禮院言將來謚冊寶告太廟讀於靈座欲望軍員更不立班從之 六日太常禮院言將來山園皇后隨行掩皇堂應隨從臣僚並合立班進名奉慰并山園皇后已下隨行並逐程於靈駕未發前朝臨

至晚哺臨其隨從命婦等俟逐程奉安靈駕畢行朝臨
將來莊獻明肅皇太后發引前一日除行禮公卿及諸
司合祇應人等在內止宿如內庭有本司者宿於本司
無本司者宿於皇儀殿門外幕次宰臣樞密宿於中書
密院從之 七日宰臣率百官奉二太后謚冊寶告於
太廟翌日上於靈座 冊文曰哀子嗣皇帝臣仁宗言
伏以致孝之本莫大於顯親敦化之方莫先於追遠矧
荷明辟之重形四海之風追惟鞠育之仁永懷孺慕之
感不諫大行何以昭衆聽不鏤顯冊何以信後來恭惟
大行皇太后沙麓開祥塗山鍾粹本靜專以法地體柔
明而配天動遵珥珮之儀言合圖史之訓以任似之德

嘗佐治於周家以陰馬之賢更翼隆於漢室至於受遺
先帝稱制從宜保佑匪躬尊臨天寓風教被乎蠻貊仁
澤及於昆蟲九廟展祠六宮承式焦勞一紀履育萬物
蘭殿問安適恭於子養椒塗倫景奄遘於內艱羽衛戒
期王靈協吉用舉追崇之禮式申顧復之恩爰詔有司
俾敕客典乃鋪懿鑠脩黜淑聲祇薦大名以應丕則謹
遣攝太尉門下侍郎兼兵部尚書同中書門下平章事
昭文館大學士監修國史張士遜奉冊寶上尊諡曰莊
獻明肅皇太后伏惟聖靈降格膺茲典禮幽贊丕祉對
鴻休廟祐祚膏永永無極禮畢群臣進名奉慰 十日
山園使張士遜言乞差集賢校理王琪隨行管勾章表

從之後以琪病復差集賢校理聶冠卿 十一日啟攢
宮百官哀服臨於皇儀殿易常服出內自是至發引皆
如之 十七日叅知政事樞密副使文武百官臨於皇
儀殿庑及門外宰臣樞密使山園五使分官赴洪福院
臨自是輔臣分押百官班臨至發引如儀 二十日帝
行啟奠於梓宮百官入臨梓宮升龍輜祖奠徹帝顧輔
臣曰朕欲親行執紼之禮以申孝心乃引紼行哭出皇
儀殿門輔臣禮官固請乃止仍步送至正陽門外百官
立班梓宮升輿設遣殿叅知政事王隨讀哀冊 冊文
曰維明道二年歲次癸酉三月甲午莊獻明肅皇太后
崩於寶慈殿四月癸卯旋殯於皇儀殿之西階粵十月

丁酉遷座祔於永定陵禮也椒闈月曉蕙路霜淒啟
塗於祕殿殿羽衛於通達哀子嗣皇帝御名宗痛慈覆之
長隔悲遠日之有期山開松楸兆協著龜徒瞻衆物莫
駐龍帷從先后之不返邈上賓以何之爰發宸旨下及
台司俾導揚於孝治庶光昭於母儀詞曰太上立德建
用皇極惟天所輔惟帝之則其次立功追皇比崇享壽
品彙昭合鴻濛其次立言徽懿是宣有教無類非文不
傳思齊有慈作合先帝總是三者以經萬世自昔來儀
鍾夫卓異捫霄協夢攬乾育粹占麓開祥擾龍凝系玉
度沈潛蘭儀靜嫻十亂同符三辰允契內助聖考洽成
至治斗極交歡天符輯瑞六合車書一同文軌軒鼎既

昂綴衣在辰顧惟冲眇以託慈仁於御坤元乃助乾健
丕揚景命順迪皇憲游精道齋棲志神高希夷自得壽
考惟寧遠探古記遠監前經心該治亂道應神靈敦敘
天枝獎隆宗室顧待無貳寵嘉咸秩善養士類勤求俊
奇弓旌相踵巖冠無遺屏去雕文敦尚朴素織紉是親
濯衣是御仁恕賦意側愍居懷施德行惠牧惠分災歲
通蠲釋民隱矜哀宏開壽域茂建春臺方隅潤澤遠邇
胥來珪璋之行竹帛難紀著在鴻臺書之彤史嗚呼哀
哉積焦勞之不豫兮歷京燠以無瘳懟挹霞之罔驗兮
侂徂景之難留發緒言之不迭兮春維碎以垂休嗚呼
哀哉龍輅風駕兮遵途超忽廢車宵載兮直城石出紛

圭嬰兮張徘徊列地恍兮澹蒙密霧楚挽兮淒凝風素
旗兮慘慄嗚呼哀哉周原草木兮岑鬱蕭條經皇神寢
兮幽嚴沈寥脂澤生塵兮寶奩茲暗巾箱遂覆兮仙鳳
其遙體魄即安兮協儀曩冉神明外濟兮御辨層霄鳴
呼哀哉德業光大兮信編紀聖恩腴晉詠兮群倫訓定
保我黎元兮順時立政佑我皇圖兮祈天永命生著懿
範兮九圍胥詠沒存徽謚兮千齡愈盛嗚呼哀哉禮
畢奉慰群臣赴板橋奉辭訖易常服退二十一日群
臣詣闕門奉慰二十九日命樞密副使李諮往山陵
祭告復土十月五日葬永陵之西北隅群臣奉慰
十日虞主至京群臣奉迎於瓊林苑帝服靴袍導迎

於皇儀殿門奉安於皇儀殿有詔賜山園五使休暇三日百官一日 十二日群臣班皇儀殿虞祭進名奉慰自是至祔廟間日虞立班奉慰如儀十六日帝齋於垂拱殿群臣宿於朝堂 十七日帝酌獻於皇儀殿神主載重翟車帝親步導出正陽門奉辭祔於奉慈廟有司行祔廟之禮群臣奉慰 二十一日德音兩京畿內釋徒罪應沿山園科率並蠲復賦役 二十六日奉安御容於慈孝寺彰德殿 景祐元年三月二十五日詔小祥前後禁樂各三日不視事各二日詔大祥前二日不視事

宋會要

章懿皇后 長禮

仁宗明道元年二月二十六日宸妃李氏薨櫬塗於嘉慶院三月十四日葬於洪福禪院之西北隅命翰林學士馮元攝鴻臚卿與入內內侍省押班盧守懃上御藥張懷德監護喪事三司使尚書兵部侍郎晏殊撰墓銘二年四月十五日詔中書門下曰朕哀制之中未遑議政皇太后謂朕曰宸妃早事先帝尤推懿恭膺降誕之符守謙冲之德至於奉侍陵寢聿周禪祥歸奉母儀克勤輔佐興居合禮言動有常兩朝徽音九御永憲淹悲淪謝俄歷歲華權厝梵宮未崇位號當遵舊典祇上尊

名別卜寢園用光世範況今大行太后方議山陵宜因
茲時式便修奉朕仰承慈旨惕念劬勞愴慕之懷夙宵
罔措敢忘燕翼以奉誨言宜令中書門下依先朝追榮
元德皇后禮典追崇宸妃尊諡位號及營奉園陵制
曰王者撫育黎元務恢要道孟孝篤於已則化之厚感
發於天則報必隆有懷顧復之恩爰舉尊崇之典故崇
妃李氏輔佐先聖誕育眇躬空流彤管之音未正星軒
之位是用順稽舊禮恭薦徽名庶申創慕之思以稱劬
勞之德宜追尊為皇太后仍令有司擇日備禮奉冊宰
臣率百官詣西上閤門進名奉慰八日詔大行皇太
后山陵五使修奉都監總管並兼園陵之名命翰林學

士馮元議謚號西京作坊副使張永和為園陵按行使

是後儀制同莊獻明肅九日命宰臣李迪撰哀冊文并

書恭知政事陳堯佐撰謚冊文并書冊寶 二十七日

翰林學士馮元請上尊謚曰莊懿皇太后詔恭依 議

曰追冊之儀具存於在昔增名之典昭示於方來仰睿

哲之挺生由後坤之載震誕保隆平之運永懷顧復之

恩爰極尊稱式彰恭事乃崇謚號用播德音伏惟皇太

后奉夙先朝久恭內職柔嘉有裕溫順無違孝愛之心

諒從天賦勤儉之德本自性成懿範聿修令聞斯著事

上喜循於禮法建下常敦於惠和繇是帝澤優隆群情

悅服發祥符於吉夢育嗣聖於昌辰及乎仙輿登遐龍

輜送往侍山園而終喪紀還掖殿而佐母儀動必肅雍
靜惟淑慎屢升班級愈峻徽章宸衷潛荷於勛勞慈誨
每稱於謙退方立四妃之位未止三宮之名俄遘沉疴
忽歸厚夜帷幌盡飾既安賁於郊原陵寢載營將祔遷
於兆域皇帝痛辟顏之永隔思榮養以無因歆伸罔極
之情爰舉追崇之禮特頒詔旨以示宰衡仍諭官司當
遵故事於是大陳器備盛列威容重翟褱衣始降於異
數闕宮總帳期奉於明靈先命近臣俾論節惠苟非實
錄曷著芳猷而况告於廟祧紀於圖牒幸參史觀敢盡
公言謹按謚法履正志和曰莊溫柔聖善曰懿皇太后
慶承仙系秩序壺闈持身常務於靜專接衆每彰於輯

睦可不謂履正志和乎誕生真主祇守皇圖克成下武之功允副思齊之德可不謂溫柔聖善乎伏請上尊諡曰莊懿皇太后五月十日帝詣洪福院櫓宮展告奉尊諡之禮其儀用啟聖院朝謁之禮添祝官一員自後遇朔望薦饗皆權起幄殿十四日太常禮院言將來莊獻明肅皇太_后發引前夕皇帝親行祭奠之禮莊懿皇太后發引前夕欲望就差園陵發引使行祭奠之禮詔差宰臣李迪八月二十五日太常禮院言將來二太后同日啟櫓隨靈駕皇親文武官欲只着昨來所被孝服詔莊懿皇太后啟櫓日別遣皇帝哀服李用和骨肉孝服二十六日太常禮院言將來山園發引欲依

司天監所定時辰其日皇帝正陽門前奉辭莊獻明肅
皇太后靈駕畢釋衰服素紗展脚幞頭淡黃衫出朱雀
門赴洪福院臣僚亦權常服黑帶皇帝至洪福院易衰
服百官孝服立班行禮所有啟橫後一日皇帝親詣洪
福院行祭之奠禮詔出保康門赴洪福院餘依奏 二
十八日太常禮院言靈駕發引日莊獻明肅皇太后靈
駕先發至瓊林西道北設幄殿權奉安俟莊懿皇太后
靈駕至內常寺於莊獻明肅皇太后靈駕後跪奏莊懿
皇太后奉見訖先行莊獻明肅皇太后以次而行其議
狀並合為一處前行詔可 九月十一日遷梓宮於洪
福院分命百官易服立班如皇儀之禮 十二日帝幸

洪福院服哀服詣靈座前行祭奠禮號慟久之群臣易服敘班如儀 十三日攝太尉宰臣張士遜奉謚冊寶赴洪福院上於靈座 冊文曰孝子嗣皇帝臣柳名宋言伏以奉先追本孝治之篤終迹行表功禮章之榮後故生未盛其位則沒有尊其稱仰惟慈履之重早興孺慕之感念報罔極式嚴追禮恭惟皇太后軒象儲景曾沙證期儼軌先朝協華椒掖行與道合位以德升動循珩珮之音居服保阿之訓外履質約桂裳無文中存禮閑玩好不飾蘭儀玉度六列以為表模淑問暉章四教於是領畧天隆其祐神衣惟祉載誕孤蒙屬當統業積善有報垂佑無疆一紀於茲四方用乂方期顧復永奉恩

嚴豈謂景命靡融忽賓霄極悠悠蒼昊誠難謐哉況夫
君臨四海母託萬邦而歡嘉未伸音容俄隔劬勞永感
終天曷窮頃雖薦號闕宮厝神淨界禮分未稱心焉如
推今園寢告成龜繇叶吉時宰庶尹儒宗禮官考儀繪
圖探烈彤史咸以謂紀謚之法實始宗周追冊之儀蓋
本炎漢敢稽往典虔易大名謹遣攝太尉門下侍郎兼
兵部尚書同中書門下平章事昭文館大學士兼修國
史張士遜奉冊寶上尊謚曰莊懿皇太后伏惟明靈如
在鴻典是膺上從聖真陰右皇序祔饗清廟與邦家無
窮禮畢群臣詣閤門奉慰十四日帝幸洪福院詣靈座
前祭告如十二日之儀 二十日帝幸洪福院服褒服

親奉引梓宮降殿至庭中行遣奠禮攝中書令樞密副
使李諮讀哀冊 冊文曰維明道二年歲次癸酉四月
丙申朔六日辛丑追上真宗皇帝宸妃李氏尊號曰莊
懿皇太后 粵十月癸巳朔五日丁酉遷座祔永定陵之
次禮也燎火餘熒星華啟明森靈位以宿設儼仙輶而
歌行風物淒其變采鐸挽唱以流聲哀子嗣皇帝卽宗
痛隔慈顏欽揚卹典感劬勞於歆報竭誠信於先遠乃
命執事紀垂芳猷琢之金玉代彼旂旒詞曰函關紫氣
柱史族貴軒轅黃龍次妃位崇含德之厚是稱坤母配
天之尊乃侔乾元祚發竹書運膺赤伏三葉重雍九圉
率服王化所先壹政惟穆修明陰教登進才淑倬哉邦

媛允矣儒門遙華啟緒積善昌源稱詩率禮有德有言
如松之茂如玉之溫託景椒塗陪游蘭館象服斯皇女
功載纘勤懋觀圖謙聞辭輦位映紫廷芬揚彤管繼明
昭晉墳止靈長業開持尚慶叶生商夢日興責祠稟威
祥載震載夙宜君宜王黃離游吉金幹增強帝所無還
湘川不從銅臺蕙惟先園是奉安車赤綬禮策加重懷
恩永慕居約彌沖攀慈宴於長樂戒外戚於濯龍仁則
宜壽明胡弗融奄嬰六疾未建三宮邈求藥兮冥津閤
杳登真兮雲漢重嗚呼哀哉閣忽不追炎涼甫換剛健
龍申威光霆斷躬擘維綱緬思聖善克母門兮歸獨存
身壽鑑兮猶可見嗚呼哀哉崇章極號情文克申尊名

茂行厥誅斯陳殞宮再闢園法攸遵變黃衣袞聖對玉
璽兮思親嗚呼哀哉鮒魚之陰將開陵北夷則之奏聿
嚴妣廟追遠兮慎終揚名兮繼孝嗚呼哀哉駒塵莫駐
往膳誰羞林歆靜而風不止露既降而歲云秋覽池閣
以心痠閱庖廄而涕流嗚呼哀哉東背浚郊西瞻鞏霧
黯蒿色兮凝陰浩浩波兮奔注皇闕聳兮長班苔銀海
深兮潛漆炬矧可度兮九虞空復還兮五輅嗚呼哀哉
蕭蕭松柏肅肅几筵闕暈珩而夷體攀弓劍以偕仙慟
極宸宸哀深昊天內盡志兮顯若如事生兮倏然嗚呼
哀哉柔明之風始資內治顧復之愛終光聖嗣含飴之
樂雖違饗德之靈俾熾伊淑範與懿聲永奉傳於金匱

嗚呼哀哉

靈駕發帝復攀引大升輿步至院西南隅

宰臣固請止步俟仗轉乃還次 二十三日禮賓使同

勾當皇城司李用和言莊懿皇太后開墳梓宮上有水

濕痕下面有泉眼出水勘會元係上御藥張懷德踏行

翰林學士馮元入內押班盧守懃勾當監護詔並免勘

懷德罰銅三十斤移本路稍遠處州軍依舊編管守懃

落入內押班與鈐轄差遣馮元落翰林學士兼侍講守

本官龍圖閣學士知河陽 十月五日塋於永定陵之

西北隅 十日虞主至京奉安於皇儀殿自是至十六

日有司行虞祭之禮 十七日祔神主於奉慈廟命有

司行祔廟之禮帝導迎虞主宿齋群臣辭迎虞主奉慰

皇帝並如章獻明肅皇太后儀 景祐元年二月九日
詔忌辰前後禁樂各三日不視事各一日禁屠宰各一

日

宋會要 雜 惠皇太后

仁宗明道三年十一月五日保慶皇太后上僊於保慶
殿遷殯於皇儀殿宰臣文武百官班奠於殿庭詔前後
殿不視事三日京城禁樂百日外州軍官吏不發哀不
禁樂選日奏告宗廟諸陵太常禮院比附檢詳典禮以
聞放文武三班使臣幕職州縣見謝辭正衙至十七日
依舊 六日命吏部侍郎知樞密院事王隨為園陵監
護使入內都知王惟忠為園陵都監入內押班劉從德

為同都監侍衛馬步軍副都指揮使鄭守忠為修奉總
管仍令從愿往永安四陵側近按行園陵 七日詔特
祔奉慈廟命翰林侍讀學士判太常寺李仲容議謚號
翰林學士承旨章得象撰哀冊文翰林侍講學士馮元
撰謚冊文知制誥李淑書哀冊王舉正書謚冊胥偃書
謚寶張永和管勾修奉慈廟室 八日太常禮院言逐
時祭奠準例監護使行禮從之 九日詔將來發引皇
親并郡縣主逐院最長一名從祔塋宮院率房去太常
禮院言京城禁樂百日凡遇祭饗大中祠用樂並備而
不作候滿日依舊園陵前每朔望皇帝不視事一日冬
至元日並在園陵之內其日群臣詣皇儀殿門奉慰從

之司天監定神臺高下入地深淺神牆步數皇堂門闊
及鵠臺乳臺相去步數詔皇堂用四十五尺神牆高一
丈餘依 十日太常禮院言皇帝本服總麻三月皇帝
皇后服皆用細布成服日服布宗室皆素服吉帶正刺史已
上服練羅大長公主已下亦素服公主夫人郡縣主已
除並服練羅其妃並常服入內就次易服三日而除本宮
頭下服練羅其妃並常服入內就次易服三日而除本宮
人首經布服送塋者塋訖而除不從者發引日並除之
皇帝成服祭奠皆太常卿贊導哭訖歸御幄皇親移班
奉慰群臣並進名奉慰以日易月之制當成服三日而
除皇帝不視事三日不視朝三日當朝視事並常服詔
曰保慶皇太后夙深慈育保祐冲人特荷擁全遂增徽

號奄纏凶釁痛慕何深宜加服為小功五月用易月之制五日而除親朝特服素沙巾淺色衣黑帶俟祔廟畢服常服 十一日大歛成服群臣奉慰劉從愿言同司天監官按行到永定陵都俸地一段堪充園陵詔可 十二日太常禮院言凶仗請下少府監製六十事監護使王隨言準明道三年例內藏庫支錢三十萬貫供用今來更不差頓遽便詔凶仗增製四十事錢內藏庫支一十萬貫餘從之 十三日太常禮院言準詔特加服小功皇親亦合隨皇帝五日而除從之 十六日橫於皇儀西階群臣奉慰 十七日翰林侍讀學士判太常寺李仲容請上謚曰莊惠皇太后詔可 議曰夫名以

賓實謚以表行古今之通義也矧極天子之孝致四海
之養旌慈仁之烈答愛育之德不亦義之大乎伏惟保
慶皇太后柔順含章淑明成裕襲赤泉之遐胄流太姒
之徽音維儉約之是敦維謙祇之是履寬而逮下動必
得中外族無假借之私公室盡思勤之意自家刑國表
裏肅然在昔永定登真實參付託之重大明繼照每懷
顧復之恩皇帝爰自纘承早從依怙是用追長樂之往
制揭保慶之尊名親倚之隆皇情斯厚方且怡神黃老
比壽松喬弗慮弗圖光靈倏閔因心追遠有惻於上仁
考行易名式揚於坤範謹按謚法維德端嚴曰莊慈哲
遠識曰惠伏請上尊謚曰莊惠皇太后 十八日太帝

禮院言奉慈廟殿見今一間內莊獻莊懿室殿兩頭扶
屋只收尊號寶冊欲將挾室內寶冊法物於本室奉安
將六間分三室以西為上奉安神主從之 二十一日
詔來年二月六日聖訖八日履三九日離陵所十三日
宿普安院就百日五更燒神帛一行人入京影座於右
掖門入由景暉門赴慈德殿殿即保慶七日皇后於會聖
宮朝拜 八日諸陵朝拜 二十三日太常禮院言請
兩制館閣官各撰挽詞二首付太常寺教習執儀仗人
用太常太僕金吾左右街司殿中省司天監兵衛二千
三百三十四人奏可 十二月八日太常禮院言園陵
所過州縣發引前二日至神主回京並禁樂群臣於板

橋奉辭靈駕畢次日赴西上閤門進名奉慰祝冊文並
稱孝嗣皇帝臣某園陵監護使應隨從官並常服黑帶
皇親各素服隨從宿頌詣帷殿前立班致奠所過州縣
官吏送迎並常服黑帶應佩魚者權去之皇帝親行遣
奠之禮掩皇堂畢并九虞祭並用大祠具宗正卿行禮
應隨從官並陪侍立班再拜升祔奉慈廟并每歲五饗
三室牲牢共用羊豕四大升舉百五十人輜車挽士二
十人挽歌三十六人餘準詔憲皇太后禮例並從之
十一日內降御製挽詞二首令太常寺教習 十七日
太常禮院言將來神主到京請於瓊林院權奉安以行
升祔之禮祔廟前一日皇帝親行酌奠園陵沿路十里

內神祠準禮例差官祭告掩皇堂前夕合差內侍行祭
奠詔差人內都知王惟忠祭奠餘並依 二十六日太
常禮院言園陵掩皇堂畢應隨從臣僚並合進名奉慰
皇后神主至京及祈廟群臣合出城并廟前奉迎從之
四年正月十三日詔二月六日掩皇堂命右諫議大
夫孫冲祭告 十六日群臣奉懿冊寶告太廟翌日上
皇儀殿靈座 謚冊曰孝子嗣皇帝臣仁宗言伏以敷
仁厚愛撫育之恩深尊位大名推崇之禮脩緬思自己
之重追述累行之節垂之徽冊表乎公議恭惟保慶皇
太后河汾遺胄岷蜀遙源早翼贊於先帝常參聽於內
治時修蘋藻之事動監箴圖之戒簡狄佐譽象應四星

女英嬪虞道存二典被文考之末命增皇太之尊稱擁
衛眇躬紹承丕祚陰教既洽孝饗是承協恭母儀謁款
世室副禋重翟服御以光璋璣玉璽裸薦有序克成從
獻之義用達追養之心逮夫專侍瑤齋遂受琮鎮避臣
名之尊奉辭歲計之供須譽藹紫闥音播彤史當錫神
祉以均邦祚而旻穹不弔凶咎奄鍾荷顧復之私每懷
歆報致踊哀之痛永感不忘亟下詔書咸告中外禁聲
樂加服紀所以申哀素也陳龍輶飾鳳輶所以嚴備物
也祔山兆升闕宮所以建陵廟也訂寶謚勒金策所以
昭德號也有司定論庶尹同辭皆謂嚴正齋恭之誠慈
哲寬裕之範積實於既往流芳於將來誰曰不然斯為

允矣謹遣攝太尉右僕射兼門下侍郎同中書門下平章呂夷簡奉冊寶上尊諡曰莊惠皇太后伏惟慶靈垂鑒蕃敷是膺歸安仙園敷佑皇極歆歲時之常祀娛宗社而長存 十八日啟櫨宮帝詣皇儀殿行祭奠之禮

二十四日監護使詣皇儀殿行啟奠奉梓宮升龍輜至中庭復行祖奠禮畢龍輜出宣德右門外升大昇輦百官敘班帝行遣奠之禮攝中書令讀哀冊 冊文曰維景祐三年歲次丙子十一月乙亥朔四日戊寅保慶皇太后上僊旋殯於皇儀殿之西階有司奏諡曰莊惠粵明年歲次丁丑二月甲辰朔六日己酉將遷座祔於永定陵禮也雕輜風戒祖奠宵陳列銘旌於廣陌嚴仗

衛於清晨孝子嗣皇帝臣

仁宗御名

感慕日增哀懷天至禮

有數而載加物無容而不備惴遠卜之遄臨痛慈顏之

永閔爰詔辭臣奉揚淑懿辭曰姬周之胄發祥憑厚綿

緒蕃昌慶靈遠茂瑤魄凝輝珠曜炳秀華閎挺生熙辰

聿邁昔在先朝助宣內治靜順柔明溫恭詰惠四星耀

極位列其次六宮修職坐論其事率禮無違秉心罔諉

登進賢才憂勤寢寐協和邦教敦厚人倫均恩逮下節

用先身練繒示儉椒蘭謁芬休瑞應期多歡在旦陪從

巡遊周旋間燕左右圖史朝夕規諫鼎湖升駕王几遺

言付訖尤重儀服斯尊橋山送往清廟薦繁烝烝展孝

翼翼告虔洪惟聖皇寔資保育克愛克慈是顧是復顯

號推崇徽章渥綬爰作實命乃受琮玉光輝靡耀德範
彌隆勞謙降志冲約處躬盡還賦邑之奉屢辭外戚之
封味金仙之妙典探老氏之淵宗方怡神於壽域俄縈
霧於璇宮嗚呼哀哉天乎難謀高不可問生也有涯同
歸於盡迫真馭於九清促千齡於一瞬嗚呼哀哉中宸
愴慘禁掖淒涼總帷掩兮畫闥橫殿虛兮夜長嬾媛何
依兮攀號殆絕諱褕帟御兮歛綬深藏瞻黼筵兮流塵
易晦祔陵園兮拱木相望嗚呼哀哉龜冊告猷龍輶進
轍服馬悲鳴繁霜怨咽背層闕之浮雲睇西郊之落月
閱逝波兮不復迴恨終天兮從此訣嗚呼哀哉陰陰泉
隧森森柏城上無光兮翳白日下無象兮潛萬靈想神

遊兮莫測惟體魄兮長寧餐闕宮之嚴祀兮昭謚冊之
大名同皇基之永固兮侔厚載以難傾嗚呼哀哉禮畢
奉辭群臣赴城西板橋奉辭 二月六日薨於永定陵
之西北隅群臣奉慰 十三日群臣赴順天門外立班
迎拜虞主權安於瓊林苑 十四日帝幸瓊林苑行酌
奠之禮 十五日詔賜監護使已下休假三日 十六
日群臣敘班奉慈廟前神主祔升行祔饗之禮畢詣閣
門奉慰 凡敘班奉慰行禮並賜酒食於幕次 十七
日德音兩京畿內釋杖罪應沿園陵應奉科率並蠲復
賦役沿路道場首經僧道並賜紫衣 神宗熙寧二年
七月二十七日命龍圖閣直學士張洎攝太常卿以十

月九日瘞神主於園陵

紹興具別廟

九月二十八日起發上

幸瓊林苑奉辭

宋會要 張皇后

仁宗明道二年十月三十日詔故美人張氏追冊為皇后
天聖六年九月二十日薨殯咸宜坊之別第塋奉
先西北隅 十一月三日詔追冊皇后官告焚黃進入
內 十一日詔遣內侍相視陵園地步太常禮院詳定
儀式以聞務從簡儉 十六日命內園使帶御器械奉
守素管勾修葺園陵 景祐九年正月九日司天監言
準詔太常禮院定到陵臺制度修展牆園移正門戶石
作牆外據地步置棘園獻堂安螭尾別無妨礙典修年

月至乙亥年二月八日利便從之

宋會要 郭皇后

仁宗景祐二年十一月八日金庭教主冲靜元師郭氏
薨治喪於嘉慶園二十五日詔以后禮塋太常禮院
詳定議式以聞二十九日太常禮院言參詳故郭氏
出塋日吉凶簿儀仗歆望比孝章皇后例墳園陵臺
依張皇后例大昇舉影帳歆只綵結從之二年正月
日太常禮院言出塋日排吉凶儀仗望自嘉慶院導引
出崇明門赴奉先院從之十三日制曰國家推褒寵
之恩不忘於存歆舉追崇之禮用極於哀榮其有曾沙
降祥倪天表貴雅尚清虛之志素懷冲默之風脫屣世

紛爰棲於真境飛名仙籍奄謝於人寰邈想音容特申
命數故郭氏德門鐘慶寶婺分輝鑒圖史之前規服組
訓之懿誠早自玉衣叶兆金屋承榮統御六宮久宣於
陰教逮事先后備罄於孝誠克彰輔佐之勤茂著開和
之則而乃遺情物表深味淵宗獨抗出塵之心遂壓塗
椒之地靈期遽迫晞露難留良增悼往之懷載厚飾終
之典嗚呼柔儀永隔內範如存躡三景之蹤倏同於萬
化應四星之象復正於歲名魂而有知歆茲優渥宜特
追冊為皇后仍令所司擇日備禮冊命 十七日詔曰
朕纂緒膺圖建中御極念持盈守成之誠敦自家刑國
之風期表正於萬邦務恢隆於至化故郭氏早由冠族

選備板房允資令人以宣內治而頃因忿鬱偶失謙恭
既虧承順之儀當行廢黜之典止遷別館冀省前非而
屢上奏封願為羽服懇志彌確敦諭不回勉從勤請之
誠仍建修真之宇遽嬰沉疾奄謝昌辰朕以其入預長
秋僅周一紀逮事先后親奉寢園存歿若斯軫悼良切
特申追冊之命復正中壺之名制禮緣情靡懷於往咎
飾終漏澤且慰於遊鬼郭氏已降敕追冊為皇后其謚
冊祔廟並傳咨爾宰司當體予意 十八日命知制誥
丁度內侍省內侍押班藍元用同護塋事建陵臺於奉
先院之東北隅 嘉祐三年閏十二月二十六日詔太
常禮院議修郭皇后影殿於洪福院禮官言景祐追冊

詔書已停謚冊祔廟之禮其修影殿於典禮無文伏請
寢罷又議者謂不若祔於廟復詔兩制同禮官檢詳祔
廟典禮以聞四年八月十六日知制誥劉敞言郭氏
嘗被廢不當祔廟又詔學士院考詳折衷之論同知太
常禮院口洞言既追復后號豈可絕其祭饗請創立別
廟遇禘祫則奉以入饗於義為允敞又以洞所言為非
禮洞亦疏難之其後學士院卒不上議朝廷亦未遑施
行

詔議具
皇后廟

宋會要 慈聖光獻皇后

神宗元豐二年十月二十日太皇太后崩於慶壽宮遺
誥曰吾受兩朝之託翊嗣聖之興十有七年安居房闈
皇帝天篤仁孝自滋睿神嘗咨務於禁中獲助勤於天
下而炎涼變序疾疢乘哀皇帝夜不解衣朝至忘食雖
聖心之備盡終天數之莫踰吾嘗觀性命之原達死生
之際生而饗慶壽之養沒則從昭陵之遊顧循初終夫
復何恨皇帝宜念宗廟之重無過哀傷更賴股肱近臣
共為歡釋成服之後三日內聽政服紀以日易月在京
文武百官十三日而除諸司長官及近臣觀察使以上

臨於宮庭其餘臨於宮門外諸道州府長吏以下三日
釋服軍民不用縞素沿邊不得舉哀釋服之後勿禁作
樂園陵制度務遵儉省勉從吾志勿事煩勞餘並依昭
憲明德皇太后故事施行是日文武百官入宮庭率臣
王珪升西階宣遺誥已內外舉哭盡哀而出 二十一
日百官朝晡臨於慶壽宮三日止又朝臨四日初太常
禮院言昭憲皇太后故事百官朝晡臨三日止詔加朝
臨四日宗室朝臨至成服止禮院又言明德皇太后故
事京城外內禁樂至皇帝釋服如舊詔過卒哭 二十
二日詔入內都知張茂則主管殿散事入內東頭供奉
官宋用臣修梓宮昭德軍節度使兼侍中曹佺入臨被

髮行服。侑子姪誦評論。誘誌讀。並準子為母喪服。免朝。
叅不釐務。見任俸給。並如舊。二十三日詔曰。準遺誥。
園陵制度。務遵儉省。恭以太行太皇太后輔佐仁宗。皇
帝援立先皇帝。保翊朕躬。獲安宗廟。社稷功隆。德盛聞
於四海。垂及後世。光輝無窮。而天畀聖質。今昔絕擬。遊
心道域。退託不居。淵默宸闈。福庇天下。方圖崇報。未知
攸為。今遺命陵號於本廟。舊制乃重。有貶抑曷以。茂對
顯烈。慰塞中外之望乎。可。詔有司。易園陵曰山陵。餘恭
依遺誥。施行。命參知政事蔡雄撰哀冊文。同知樞密院
呂公著撰哀冊文。翰林學士章惇撰謚號文。龍圖閣直
學士韓頴書哀冊謚冊號文。二十四日命韓頴為山

陵按行使昭宣使入內副都知王中正副之 二十五
日詔山陵修奉深慮有司過有煩勞枉費人力不能仰
承遺詔務遵儉省之意可豫戒三司斟酌轉移應付毋
得寬剩計置除京西路轉運司自合供辦其諸道非拋
降毋得妄有進助 二十六日大殮命宰臣王珪為山
陵使判太常寺陳薦為禮儀使御史中丞李定為儀仗
使知開封府錢藻為橋道頓遞使同判太常寺陳襄為
鹵簿使後襄辭疾以翰林學士蒲宗孟代之 時中書
言本朝命儀仗鹵簿二使或因闕官或緣誤例御史中
丞皆得領之今按昭憲明德皇太后例差御史中丞兼
儀仗使天聖二年南郊差御史中丞薛奎為鹵簿使會

要引故事御史中丞當為儀仗使國初尚依此制其後
中丞或闕以他丞郎為之其職掌猶用臺吏如故儀仗
使無專掌但令憲司督促諸司而已天聖明道時皆有
中丞以為鹵簿使非舊制也 同日又命入內副都知
李憲為山陵都大主管入內東頭供奉官寄六宅使宋
用臣為都大提舉修奉皇堂是日百官拜表請聽政不
允自是七上表乃詔俟終易月之制有司定日御殿
同日太常禮院言昭憲明德皇太后故事內有年歲深
遠禮制不全欲乞參詳比類山園陵案例申請施行從
之 二十七日命權主管侍衛馬步軍司燕達為山陵
修奉總禁兵護役宋用臣專令總役兵修奉兩司毋得

侵越 二十九日皇帝成服於慶壽殿百官成服於內
東門外入奉慰於慶壽殿之東廂慰皇太后皇於宮門
外 十一月一日群臣慰上及皇太后於慶壽宮門外
自是朔望以為常至祔廟止 同日太常禮院言明道
山陵故事啟敢百官服初喪服入內內侍省都知押班
以下并軍負三班使臣伎術官不服請如故事詔都知
押班以下並如百官服初喪服餘如故事 二日百官
進門起居於慶壽宮門外至御殿日止三日小祥祭百
哀服班慶壽宮廷哭仍慰皇太后於宮門外 四日詔
諸路州縣並禁樂至卒哭既而太常禮院言按禮葬而
後虞虞而後卒哭卒哭而後祔景德中明德皇后以百

日為卒哭卒哭後不禁樂以百日為卒哭蓋古之士禮不當施於朝廷廼詔改卒哭為百日又言故事大祥禫除宰臣徑密使大兩省觀察使以上入宮庭真訖率百官班宮門外又準遺詔近臣觀察使以上臨於宮庭餘臨於宮門外將來大祥禫除歆如故事及遺詔施行詔大祥禫除卒哭可並準小祥故事 十三日翰林學士章惇上言竊稽典禮下不得誅上則大行太皇太后諡號蓋非臣子之所敢專必將有所請謂若請之太廟於禮為宜願付禮官詳議於是太常禮院言孝明皇后之喪詔尚書省百官議皆曰母后之諡則宜定於廟而讀之以明受成於祖宗孝明皇后諡請百官議定制下乃

遣官告於太廟而不讀令參詳古者諡法后受之於天
臣受之於君太行太皇太后仁配仁祖於禮為尊宜集
官諡之於廟又幼不諫長子不爵母內英宗皇帝廟室
於禮不當請諡欲乞集中書樞密院侍從官御史臺五
品尚書省四品諸司三品宗室正任團練使以上赴太
廟行請諡之禮然後詔有司作冊寶告於天地宗廟社
稷讀於慶壽殿從之 十四日殯於慶壽殿之西階百
官班宮庭哭慰上及皇太后 十五日大祥祭如小祥
禮 先是太常禮院上大祥儀注皇帝祥祭訖釋小祥
服素紗幘頭黥黃衫黑銀帶群臣移班奉慰上批宮中
自實行三年之喪不釋服受群臣慰至是祥祭畢上哀

服如故 十七日禪祭如大祥禮 十九日上服素紗
幘頭淡黃衫黑犀帶御崇政殿西廡帷次號哭見群臣
群臣西向起居訖升殿奉慰 十一月二十日山陵按
行使韓縝等言永昭陵北稍西地二百十步內取方六
十五步可為山陵詔依又以陵域迫隘問縝可與不可
增展縝言若增十步作七十五步為陵域合微火相生
及中五之數詔增十步 二十一日冬至百官慰上及
皇太后於慶壽宮門外 二十五日上不視事群臣請
大行太皇太后諡於太廟二十八日翰林學士章惇請
上尊諡曰慈聖光獻皇后詔恭依 議曰故事祖宗諸
后諡號皆二字惟章獻明肅皇后以四字即具奏稟奉

御寶批付臣曰先帝以宗子入繼大統嗣位之初哀毀過度感疾逾年軍國機務無所稟決人情恟懼神器震搖賴大行太皇太后聰明睿機宜裁處於是中外安寧宗廟復安逮皇躬康寧匪由人言即詔復辟退饗東朝之養十有七年以慈為寶拊子育孫裕如也功德盛大振古無有今以四字為諡大懼未足形容萬一姑循故事而已宜以四字定諡臣再拜稽首奉詔於是有司擇日集百官於太廟以請大行太皇太后尊諡臣謹昧死上議竊推迹上世虞夏以前質勝文隱未有諡號以名配位死生同稱降及於商雖有成湯之號而其傳蓋畧無得而稽焉迨周公且相武賦憲作為諡法以跡行

表功實往名歸大細相稱而後百王遵之莫或廢失故
生有豐功盛德歿有大名顯號於發揮光烈垂耀後世
蓋其為法下不得誅上求諸典禮后之諡必請於廟所
以質諸神明示天下於至誠大公之極非臣子之所敢
專也恭惟仁祖道侔乾坤德配堯禹天既啟以太平至
治之運乃作之合以助成闕雖麟趾之化是以大行太
皇太后應運挺生賦畀萬厚超絕今昔聰明睿智之性
慈仁恭儉之行天成生知不習而至養德閨門則有窈
窕之淑聞儼體宸極則有思齊之徽音輔佐君子朝夕
憂勤有卷耳之志被服澣濯躬儉節用有葛覃之本愛
均庶嬪有樛木之逮下化行隱遠有鬼豈之好德退抑

威而屬飭之以恭謙惠哀鰥寡而振之以衣食教內修
乎闡闡治外形於家邦安止乎禮義之宮嬉息乎藝文
之囿煒煒乎維茲以論后妃之德國已極矣然猶未足
以彷彿盛美萬分之一也若乃嘉祐之末仁祖春秋既
高皇嗣未立中外慄慄人懷不寧已而英宗入居東宮
國本既建於是天下之心泰然雖仁祖聖斷不惑早定
大計是由大行太皇太后先知達識力贊以成及英宗
即位之初哀毀感疾於是權宜聽政廟社以安亦既復
辟退處東朝委遠功名之隆優游妙道之域悟性命之
靈通死生之變不訪乎崆峒而得治身之要不登乎姑
射而知凝神之方蓋正位宮闈垂範十載受遺兩世母

儀三朝淵默無為饗四海之養者十有七年皇帝仁孝
純至恩義致隆咨務設經問安視膳尊奉報稱在禮無
違今明詔之所發揮皆本諸至誠大公之極斯足以照
映前古光輝無窮記曰文王無憂以其有王季為之父
武王為之子也恭惟大行太皇太后仁祖以為夫英祖
以為子皇帝以為孫聖神相承源深流遠以此較彼文
王為不足侔臣歷觀載籍之傳任似於周有內助之效
而無聞於社稷之功馬鄧在漢有關政之勤而不知乎
道德之與猶且流身雅頌騰芳簡編舉以槩今不其陋
歟嗚呼義軒以前既不可得而考者自三五以來后妃
之美未有如大行太皇太后仁功聖德之盛昭天漏泉

者也是宜為宋文母以詔於萬世謹按證法愛民好與
曰慈能以仁教曰慈通達先知曰聖窮理盡性曰聖和
寧百姓曰光格乎上下曰光聰明睿智曰獻博聞多能
曰獻恭惟大行太皇太后包括衆美以集大成神明之
所歆天地之所合契宜以祖宗之命奉上尊諡曰慈聖
光獻詔恭依 同日太常禮院言靈駕已奉詔出慶壽
宮南便門出內東門今恭詳自內東門出宣祐門西上
閣門過文德殿門出朝堂門入右昇龍門出宣德門過
天漢橋西宜出秋門順天門從之 十二月八日太常
禮院言故事見任文武陞朝官之家候祔廟畢嫁娶京
官以下過禪除不禁臣子之喪制一等而用吉禮有遠

近之差非是乞見任文武官之家候九虞祭畢為卒哭
許嫁娶軍民過易月禪除不禁仍不用花綵從之 二
十五日詔宗室正任防禦使以上許從靈駕已從濮安
懿王夫人者免從 先是中書言詔司天監選年月日
時遷祔濮安懿王三夫人今大行太皇太后山陵濮安
懿王三夫人亦當舉葬故有是詔 三年正月一日不
視朝群臣及遼使閣門進名奉慰又慰皇太后於慶壽
宮門 五日太常禮院言發引前日晡群臣及命婦當
詣慶壽宮尊詔發引前四日臨朝前一日仍晡臨九日
詔鹵簿不用襍稍內臣二十四人捧梓宮 十四日群
臣詣慶壽宮上諡冊曰 維元豐三年歲次庚申正月

乙丑朔十四日戊寅孝孫嗣皇帝臣

神宗御名

再拜稽首言

曰臣聞道本無形不可擬以稱謂德合無疆不可規以封畛然自昔賢聖相繼作民父母莫不稽行以立謚紀功而建號著在典冊聲於郊廟蓋休烈盛美既以以冒於四海則隆名尊稱必有以詔於萬世恭惟大行太皇太后實天祐宋誕生淑聖聰明淵靜至性得於自然慈仁粹和懿範冠於往昔惟藝祖肇造區夏武惠之勲從享大室積德流慶用大集於後昆廸登中闡作配仁祖夙夜警戒逾三十年億寧神人嘉靖內外翊贊聖治迄用有成深惟宗社之重援立先帝大策既定五謀協從諒闇之初哀疾弗豫勉同聽決庸濟艱難群情於是獲

安神器以之增重而進退以正勞謙有終迹不踐於外
廷歲甫基而復辟方且宅心道祕頤神物表享東朝之
尊十有七年福浸黎元而樛栢不居奉極天下而恭儉
自牧較其全德遠度休聲茂實雖詩人所載任姁之美
殆無以加漢氏以來馬鄧之烈曾莫得而比倫矣願惟
沖菲獲奉宸昏教誨撫存慈惠兼至間稟要務仰遵成
規家用平康民以寧一庶蒙休祐永錫難老以伸小子
歌報之志以慰萬方欣戴之心不圖邦釁上延奄棄崇
極玉衣如在飈駕不還痛色養之長違顧孺慕而何及
考卜維吉因山有期迺稽舊章節大惠易鴻名請於祖
宗告於几筵謹遣攝太尉光祿大夫行尚書禮部侍郎

同中書門下平章事集賢殿大學士王珪奉寶冊上尊
諡曰慈聖光獻皇后伏惟明靈在天降鑒於下膺茲典
禮永配廟祐儲祉錫美光於無窮嗚呼哀哉謹言 上
謚寶畢群臣退赴宮門外奉慰及懿皇太后 十五日
上元節群臣奉慰及慰皇太后 二十二日詔靈駕發
引行宮四面增差天成一指揮 二十六日詔增差禁
兵二百人守陵 二十九日太常禮院言啟敢故事前
三日在京築樂祔廟畢仍舊所過州府縣鎮候主回京
仍舊又言明道中山陵文字首稱莊獻明肅皇太后莊
懿皇太后即是當年一時之時別無經見大行太皇太
后雖已有謚號然山陵未畢俟掩皇堂題虞主去大行

稱慈聖光獻太皇太后祔廟題主稱慈聖光獻皇后並
從之 二月二日以啟敢前一日宰臣率百官奠于慶
壽宮詔靈駕發引日聽高麗使陪位并遇奉慰入寺觀
燒香並聽改服黑帶 館伴所言柳洪等願比群臣服
黑帶故也 三日啟敢宰臣率百官朝臨於慶壽宮上
奠告遷梓宮於兩楹間百官奉慰及慰皇太后遂晡臨
自是百官臨朝三日止 五日詔皇堂創為地宮非嘉
祐治平故事安厝梓宮須別為規度可命都大提舉修
奉宋用臣專一主管 十六日發引前三日百官服初
喪服臨於慶壽殿自是日一臨前一日仍晡臨 十七
日祕閣校理何洵直言按禮曰遂適殯宮三虞鄭氏曰

虞安也既塋迎精而還祭之於殯宮以安之士虞禮云
側享於廟門外廟則殯宮之禮也凡宮有鬼神曰廟故
說者以為虞卒哭在寢春秋左氏傳曰及哭於寢杜預
云既塋日中自墓還虞於正寢盖古者之塋近在國城
之北故可以平旦而往至日中即虞於寢所謂塋日虞
弗忍一日離也後世之塋其地既遠則禮有不能盡如
古者今大行太皇太后塋日至等六虞自當行之於外
如舊儀其七虞及九虞卒哭謂宜行之於慶壽殿且虞
以安神卒哭以告祔必就殯宮盖即其平日居處之地
則神靈之所憑依而來寧故也又按士虞禮主人殯尸
之後有亞獻三獻大略與饋食禮同其所以變於吉者

吉事尚左此則尚右如設洗于西階西南及陳鼎于西階前之類是也唐儀注虞祭大尉亞獻如不親行事則宗正卿亞獻光祿卿終獻皇帝素服太尉司徒以下祭服群官皇親諸親皆素服臣以爲虞祭當用亞獻終獻如親祠其服宜比附叅酌施行又按春秋公羊傳曰虞主用桑何休注引士虞禮曰桑主不文後漢書志亦曰桑木主不書謚夫粟主書謚爲禘祫之時別昭穆若虞主瘞於兩階之間則謚安用書舊儀題虞主伏請罷之下太常禮院言謂洵直所引虞禮乃士禮左氏傳乃諸侯之禮若朝廷禮則經無所見況嘉祐治平故事並虞於集英殿宜如近詔虞主回奉安於集英殿又餞尸衍

尸並為事尸之禮後世既不設尸難用此禮宜且仍舊
又嘉祐治平故事虞主已不書諡今欲如洵直所請從
之十九日國簿使陳仗於宣德門外輔臣宿本司
二十日發引上啟奠于慶壽殿祖奠于庭遣奠于宣德
門外百官及高麗使陪位右諫議大夫叅知政事蔡確
讀哀冊曰維永豐二年歲次己未十月丙申朔二十
日乙卯慈聖光獻太皇太后崩于慶壽宮之萃德殿旋
殯於慶壽殿之西階與三年三月甲子朔十日癸酉遷
座祔於永昭陵禮也燎映九闕漏終五夜淒鳳吹以發
音儼金根其趣駕孝孫嗣皇帝臣神宗痛悲遠日之至
輿踊終天之訣飛馭莫攀奠觴既徹迺詔通臣追揚休

烈其詞曰猗歟太母遐矣洪緒承派軒后啟封邾王逮
于武惠為宋方虎陰有善慶超漢援禹其在後昆篤生
聖女瑞慶天連玉毫衆賄當災精之四帝永丹闡之內
輔既作之合遂宅厥祥占陋沙麓兆輕壽房正家陰順
載物坤方聰明聖智端一誠莊珩珮惟和練衣猶浣出
閭無言脫簪有諫蠶織是親圖書是玩海富聖學鸞飛
神翰化自身先恩無私謁盛公族之麟趾微外家之金
甌仰惟英兮入紹仁宗與子天下贊謀禁中定九鼎之
岌岌懋萬國之喁喁皇躬未康勉親幾政明辟旋復避
遠歲柄心契於道權歸乎正盛若虛至仁則靜再副
託克昌繼嗣勞神乎遭變之始受養乎承平之際一人

定省大務咨議每顏溫而訓篤何慈深而愛至造金仙
之妙旨探柱史之微言撫赤綬之諸王弄文襟之曾孫
斗維誕日之慶天圓嘉時之燕壽觴舉而三宮樂寶輿
動而九遠抃忽脫庭於紫房遽歸神於清漢玉音絕兮
官何所黼幄空兮漢無見嗚呼哀哉下詔之夕霜霰寒
初祖庭之旦州木春餘驚流景之過隙從吉占之啟途
去深殿兮背白日指新宮兮竄黃墟嗚呼哀哉煙拂羽
仗月低斗城出六衣於東闥轉五路於西垌紛相趨兮
侍衛恍如在今平生嗚呼哀哉馬躑躅兮風蕭散度輩
原兮臨洛岸近橋山之衣冠下銀海之鳬雁龍鑑收兮
將就蝕劍戶闔兮何時晨寢肅肅兮蒼野簾陰陰兮綠

塵拂曉几兮泣長御瞻暮柏兮悲宮臣聖孝執喪於三
歲輿情結慘於八垓嗚呼哀哉塗山殞兮夏盛太任歸
兮周隆視今兮揆古軼德兮踰功彤管之紀但傳於土
宜白玉之鏤惡足以形容嚴清廟之登配光億載以無
窮嗚呼哀哉是日上自慶壽殿步導梓宮且行且哭
至宣德門外立班俟時號慟不絕聲王珪等及雍王顥
曹王顥更進開釋不能止百官士卒感動悲咽高麗使
至於出涕靈駕既行上哀服還內百官辭於板橋退改
常服入門翌日詣閣門進名奉慰又慰皇太后于內東
門二十五日太常禮院言慈聖光獻皇后祔廟前二
日告天地社稷太廟皇后廟如故事至日奉神主先詣

僖祖室次翼祖宣祖太祖室 太宗皇帝懿德皇后明
德皇后同一祝次饗元德皇后慈聖光獻皇后異饌異
祝行祔廟之禮次真宗仁宗英宗室禮畢奉神主歸仁
宗室如此則古者祔謂之禮及近代徧饗故事並行不
廢從之其三月朔并寒食節大行太皇太后未祔卜宮
酌獻於幄殿 二十七日山陵禮儀使言虞主回京乘
重翟車神帛在大安輦今定行圖輦居前車在後恐於
義未安乞下有司議太常禮院請以車在前從之 三
月六日靈駕至陵所群臣奉慰及慰皇太后 十日塋
于永昭陵群臣奉慰及慰皇太后 十四日太常禮院
言遺詔雖言釋服後勿禁作樂續詔民庶過百日作樂

自啟蒞至祔廟詔復禁止即群臣自宜依禮律期年聽樂詔三路沿邊官祔廟畢許用樂餘文武官皆期年十五日虞主至自永昭陵群臣迎于板橋皇太后迎於瓊林苑有司行六虞祭上服靴袍迎於內東門外奉安于慶壽殿群臣奉慰初詔陵山使以下導虞主至板橋先入朝謁而禮儀使陳薦因請令侍從官前導至集英殿禮官以為不可上批虞主於集英殿奉安據禮官從臣之議終為未允蓋集英殿在平日未嘗一御又非昔居殯宮之所殊失安虞神靈禮意或作慶壽殿奉安恐亦無嫌可太常禮院詳定以聞既而禮官以為於義無嫌請虞主自右掖門繇承天宣祐內東門入慶壽殿

虞王至京山陵使以下導至右掖門並從之 十六日
七虞祭群臣奉慰自是八虞九虞皆上親祭 十九日
卒哭祭群臣皆奉慰 二十一日上宿于慶壽殿側輔
臣宿于本司百官宿于朝堂 二十二日神主祔于太
廟 二十五日德音兩京畿內河陽減死刑釋杖罪沿
山陵科率蠲復賦役應奉行事官量與恩澤 二十七
日詔六宅使宋用臣修皇堂有勞於見寄使額上遷五
資 五月八日宰臣王珪言弟尚書職方郎官琬昨主
管山陵使司牋表乞推恩訖以琬為祭河撥發 四年
十一月二十三日禋祭宰臣王珪等上
表請聽政詔答不允五表乃從之

禮

凶禮

宋會要

章憲明肅皇后

仁宗明道二年三月二十七日夜三鼓皇太后崩於寶慈殿遷座於皇儀殿遺詔曰吾受遺先朝保助今聖孫歷十載憂勤一心以天下之母儀沐人君之榮養皇帝深於孝愛濟以英明精窮治道之源洞該文武之術智燭微隱性敦儉慈典刑協中動靜循理杜絕畋游之好樂聞獻替之言吾得以罄竭所懷邅隆時務內仰成於衡弼外分寄於藩維迄臻大寧無愧前古而涼暄所迫筋力寢衰賡理夷和焦勞遘疾皇帝躬視省侍備極禱禳藥必先嘗衣不解帶而吾大期云及積恙無瘳以耆暮之年見昇平之運獲從先帝寧魂九原質於常情夫復何恨緬惟文武以及軍民荷三朝之厚恩當四葉之昌祚必傾亮節永奉聖君吾參輔朝經既踰旬歲今於武衛宜有推恩內外諸軍將士並與特支在京文武官僚并

外處管軍臣僚並與夫賜皇帝邦國事繁人神屬望宜思遠大勿
徇哀傷更賴服肱近臣共為開釋皇帝成服之後三日內聽政服
紀以日易月一依舊制在京文武羣臣十三月而除諸長官及近
臣觀察使以上臨於宮庭其餘職官臨於宮門外諸道州府長吏
以下三日釋服軍人百姓不用縞素沿邊州府不得舉哀制服釋
服之後勿禁作樂園陵制度務遵儉省勉從吾志勿事煩勞初
遺誥有云皇大妃與吾同事先朝備彰懿範自今朝之臨御亦共
贊於內謀爰屬茲辰允當崇奉宜尊為皇太后往者皇帝踐阼方
在冲年吾稟先帝遺言權助軍國今皇帝統臨一紀盛德日新此
後聽斷一依祖宗舊規如有軍國大事皇帝與太后內中裁旨商
量是時帝久臨御盛德已著中外相望親政及宣告之際尚有裁
旨商量之語往往竊議浸淫聞上乃令中書門下擬去遺誥中皇
太后事不須班告天下於是羣臣相慶知帝明睿獨斷出前古遠
甚有司因得用咸平舊章以正其禮

三十日召羣臣詣皇儀殿遺誥臨哭見帝於殿之東廂奉慰太常
禮院言宗室削杖不散髮餘如乾興之制中書樞密使相比宗室
去斜巾垂帽首經及翰林學士至龍圖學士已上并節度使文武
二品已上又去中單及袴兩省御史臺中丞文武百官已下諸軍
指揮使副近馬使三班殿直已下四腳副中連裳腰經中書樞密
院主事以下前後殿都知押班已下亦如之工部尚書李迪太子
少傅致仕晁迥御史中丞蔡齊兩使留後陳堯咨並曾任近職請
依學士例破服館閣讀書翰林待詔技術官並給孝服宰相文武
百官朝晡臨三日內外命婦朝臨三日皇帝成服後未聽政前百
官日詣皇儀殿門進名參起居聽政後百官遇假不入餘日詣案
政殿序班參起居二十七日禫除服服常服羣臣皆黑帶卒哭始
純吉服皇帝成服日及小祥百官皆入臨移班奉慰唯大祥禫除及
卒哭日並詣皇儀殿奉慰唯中書樞密入兩省觀察使以上入殿
哀致奠訖赴殿門立班山陵前遇朔望不視事百官並詣皇儀殿

門奉慰神主未祔廟日並詣西上閤門奉慰皇帝聽政日於崇政殿西廊東向陳設御座百官西向立班參起居首少前跪奏讀皇帝聽政宣徽使承旨退稱制可餘如舊儀從之詔外國陵為山陵命宰臣呂夷簡為山陵使翰林學士盛度為禮儀使章得象為儀仗使權御史中丞蔡齊為樞密使權知開封府程琳為橋道頓遞使使太后園陵等并兼莊入內內侍押班盧守勲右班副都知閻文應為山陵按行使東潔院使岑守素為山陵修奉都監馬軍副都指揮使高繼勲為山陵一行都總管守勲等亦兼領園陵之名四月一日羣臣詣皇儀殿朝曠臨自是五月止詔遣東上閤門使曹琮告哀於契丹莊穆皇后崩不專遣使赴告止令邊臣錄詔命報之今特命告哀分遣使諭路告諭及出遺留物賜輔臣上同

二日羣臣上表請聽政自是五表始詔答允上同

三日召輔臣對皇儀殿西廂

工部尚書李迪自河陽赴召未見亦持對馬

命翰林學士

章得象充契丹遺留國信使崇儀使安繼昌副之

銀器衣著各二千數並納先帝

遺物備庫副使季用和特遺物賜西平王趙德明衣物銀絹有

六日太常禮院言明德皇太后園陵禮例山杖合用六十事詔增

造二十事於建隆觀製造上同

八月成服羣臣衰服入臨奉慰如儀是日橫塗於皇儀殿羣臣優

進名奉慰命宰臣張士遜撰哀冊文參知政事陳堯佐撰諡冊文

并書冊寶翰林學士馮元議諡號上同

十日太常禮院言準詔同司天監詳定山陵制度皇堂深五十七

尺神牆高七尺五寸四面各長六十五步乳臺高一丈九尺至南

神門四十五步鸞臺高二丈三尺至乳臺四十五步詔下宮更不

修蓋餘依石門一合二段長一丈二尺五寸闊六尺厚二尺越

額一長一丈八尺高四尺五寸厚二尺五寸直額一長一丈八尺

闊四尺厚二尺五寸挾二長一丈二尺闊二尺五寸厚二尺門砧

二長五尺闊二尺五寸厚二尺門砌三週厚二尺二寸長六尺一

長三尺槩鏤柱一長一丈三尺五寸闊二尺厚一尺漆燈盆一座

盆高四尺五寸徑三尺座方二尺五寸厚一尺臘燈燭臺一座高
二尺徑一尺五寸宮人二高八尺闊二尺五寸厚二尺土襯二長
四尺闊三尺五寸厚六寸座二長三尺五寸闊三尺厚八寸文武
官四身高九尺五寸闊二尺五寸厚二尺土襯四各長四尺闊三
尺厚六寸座四長三尺五寸闊二尺五寸厚八寸羊四高六尺五
寸闊六尺厚二尺五寸土襯四長七尺闊三尺五寸厚六寸座四
長六尺五寸闊二尺五寸虎四高六尺五寸闊五尺厚三尺土襯
四長六尺五寸闊四尺厚六寸座四長六尺闊三尺五寸厚八寸
馬二長一丈頭高六尺厚三尺五寸土襯四長七尺五寸闊四尺
五寸厚八寸座二長七尺闊四尺厚八寸把馬官四高八尺五寸
闊二尺五寸厚二尺土襯四長五尺五寸闊三尺厚六寸座四丈
五尺闊二尺五寸厚八寸望柱二長一丈四尺徑二尺五寸土襯
二方四尺五寸厚六寸座二方三尺獅子八高六尺五寸闊五尺
厚三尺土襯八長六尺五寸闊五尺厚六寸座八長六尺闊四尺

五寸厚八寸

上同

十一日小祥羣臣入臨釋服奉慰如儀

上同

十三日帝喪服御崇政殿之西廂始聽政羣臣以次參起居帝哭慟不自勝契丹賀乾元節使耶律信寧等到闕捧大行皇太后書

詣皇儀殿靈座前置奠

上同

其日契丹使副見皇帝訖次詣皇儀殿幕次中書樞密先入至奠

陞下再拜上香奠茶酒再拜訖升殿詣座前分左右侍立禮直官

宣事舍人贊引契丹使副至殿門上捧書俱入詣殿陞下北向立

定跪內侍一員接書由東階升殿跪置於靈座前契丹使副再拜

班首詣香案前三上香奠茶酒俱再拜訖而退

上同

十五日羣臣詣皇儀殿進名奉慰太常禮院言惟明德太后禮院

中外禁樂至百日請如故事從之

上同

十六日雄州上言契丹賀乾元節使回迎送未審舉樂與否詔不

舉樂

上同

十七日羣臣上表請御正殿自是三上表詔答允二十七日始御

紫宸殿上同

十八日山園使言往回程頗欲依乾興殿自京至陵所十程自陵

所回京五程詔可上同

十九日太常禮院言准例兩省御史臺館閣官各撰挽詞二首下

太常寺教習從之二十三日大祥羣臣詣皇儀殿進名奉慰上同

二十五日禪除羣臣奉慰如儀上同

二十七日以宰臣張士遜為山園使御史中丞范諷為西園使參

知政事王隨撰謚冊并書冊實呂夷簡出知陳州蔡是日翰林學

士馮元請上尊謚曰莊獻明肅皇太后詔恭依議曰臣聞謚者

行之跡名者實之賓然則謚行相符名實無爽傳之不朽在乎至

公若乃至母之尊節惠斯異議之於官府考之於朝廷書之於冊

實讀之於寢廟上之於梓宮藏之於金匱實古今之攸重非臣子

之敢專恭惟大行皇太后號梓柔嘉含章敬惠奉事先帝登建中

宮率四教以有倫閔羣言而罔倦存躬儉之志美播萬覃推逮下之恩仁均樛木豈惟表正於閭則抑亦內助於朝經頗厯歲時允臻安靜及乎膺道揚之終命申燕翼之遠謀協佑嗣皇述宣至化交修一德並覽萬機探政治之本原識憲章之體要親臨祕殿共對通臣咨訪賢能講求機務辭氣溫裕智慮洪深有善必從無言不聽朝幾廢食晨忘勞夙夜憂勤始終齋肅承偃武之昌運保持盈之令圖然後屢奉裸將恭升太室於以申追養於以謝成功皇帝仰紹先猷俯遵慈訓敦孝恭而不匱承志意以無違克諧存虞舜之心善繼達武王之治其或會朝嘉序拜慶誕辰國郊四展於鴻儀軒陛再加於徽號未嘗不恭趨惟帝盛集臣僚祝萬壽以稱觴奏九韶而盡禮愛親化於民俗榮養光於簡編九城風從順時而述職四夷景慕納貢而來庭逮夫侍疾宮闈徧嘗藥石夜不遑寢晝不解衣覃恩宥於萬邦設祈禳於百祀方循陟而竭力遽陟屺以經哀乃眷官司特頒詔令致喪之具加於舊儀彰善之名

倍於常數所以極優崇之典導感慕之懷耳謹按謚法履正志和
曰莊聰明睿智曰獻無幽不察曰明威德克就曰肅總夫累美奉
於尊名昭示後昆永隆徽號稱伏請上尊謚曰莊獻明肅皇后上同

五月初一日以謚號敕下羣臣詣皇儀殿奉慰上同

十三日賜

內藏庫錢三十萬給山園用度上同

十四日禮儀使言準明德皇太后園陵禮例儀仗二千三百三十

四人今山園欲如例詔可上同

六月二十一日司天監言宜用十月五日丁丑時安葬吉詔可上同

二十五日賜山園役兵布背搭手巾上同

七月二日太常禮院言山園合用花釵禮衣各一副請下少府監

修製按乾興禮例齋即六十人攝挽即行事欲依明德皇太后園

陵例不用並從之上同

九日太常寺言山園各排鹵簿儀仗合用導引六州十二時歌詞

六章請下學士撰付寺教習從之上同

十日辛哭近臣觀察使以上詣皇儀殿庭文武百官殿門下拜奠
退進奉慰上同

八月一日契丹祭奠弔慰使副到闕文武百官兩省都知押班已
下並常服黑帶素鞵禁止在京音樂使副入皇儀殿祭奠并進
慰書文武百官並詣殿門外進名奉慰朝辭日祭奠弔慰使副先
詣皇儀殿靈座前奉辭訖次紫宸殿朝辭所司預於皇儀殿前
御座垂簾又於東楹南向設御座其日祭奠弔慰使副自朝堂由
西上閣門至皇儀殿外幕次並素服祭奠弔慰使副自朝堂由
素紗展脚撲頭並白羅衫黑鞵帶俟皇帝服素服依齋七日宮中
之服及有司設祭奠酒食等畢禮直官宣事舍人贊引祭奠弔慰
使副俱詣神御座前階下北向立定殿上簾捲祭奠使副並舉哭
再拜殿上皆哭引祭奠使副升殿西階神御前祭奠使一員三上
香奠茶酒畢祭文及書祭奠使啟封中書舍人二員跪捧祭奠副
使跪讀訖內侍捧受置於神御前降階復位又舉哭再拜禮直官

宣事舍人贊引祭奠前弔慰使副並稍東稍立禮直官宣事舍人先
退未祭奠前皇帝升御座中書樞密於使副未入前先參起居侍
立次館伴使副入見如儀祭奠畢宣事人引弔慰使副等於階下
當御座前跪進慰書殿上垂簾閣門使一員受書升殿進呈弔慰
使立少候上啟封讀訖皇帝舉哀簾捲閣門使引弔慰使升慰詣御
座前稍南傳語及回問如儀引降階復位宣事舍人引奠祭使副
并弔慰使副下已俱合班北向立定舍人贊拜各兩拜班首奏聖
躬萬福又贊拜隨拜三呼萬歲引班首稍前致詞奉慰畢歸位又
贊拜如謝茶藥御筵及撫問即依例出班致詞謝訖退歸幕次改
常服赴客省賜茶酒使副隨行從人並令門見侍使副歸館別差
近上臣僚押賜御筵其日後殿不坐至朝辭曰御紫宸殿引祭尊
弔慰使副等入詣庭其起居朝辭受書及走賜並依閣門舊儀上
三日禮義使言神主回京未委於甚殿權安遷選日祔廟詔於皇
儀殿權安用十月十七日祔廟上同

六日禮儀使言檢會明德皇太后殿攢文武百官皇親各服初喪之服內庭諸色人員及從五使執事職掌只服本色公裳祇應將來啟攢欲依禮例從之上同

十三日太常禮院言將來山園應沿路州縣官吏並服初喪服出城奉迎并辭並舉哭再拜畢改吉服候山園禮畢神主同京邸並常服出城再拜奉迎并辭再拜訖退詔依上同

十四日賜山園役兵工匠和雇百姓布袍袴頭巾麻履上同

二十二日太常禮院言每年十月一日宰臣已下及軍員諸班並著所賜錦袍襖子入謝將來十月一日靈駕在路並合常著常服謝從之上同

二十三日太常禮院言山園發引長行所排吉凶儀仗慮上路交雜欲望至板橋合為一處排列前引莊懿皇太后靈駕先次進發莊獻明肅皇太后靈駕以次進發掩皇堂日各於遂陵排列候神主至宿頓幄殿却合為一處次日進發莊獻明肅皇太后神主先

行莊懿皇太后神主以次而行詔依上同

二十四日太常禮院言將來莊獻明肅皇太后啟攢後百官並服初喪之服前後殿都知押班已下并軍員三班使臣伎術官更不
服初喪之服並常服黑帶文武百官俟至板橋奉辭畢並權改常
服黑帶次日純吉服俟神主至京日並常服黑帶五使已下俟掩
皇堂並常服黑帶俟祔廟禮畢並純吉服詔可上同

二十八日禮儀使言將來十月五日下午事已前各自內地幄殿奉
遷梓宮至燧道前幄帳下行事臣僚并諸色祇應人等並吉服俟
莊懿皇太后掩皇堂畢其服孝服者權改吉服立班題神主畢却
服孝服俟莊獻明肅皇太后掩皇堂畢並改吉服詔依上同

九月四日太常禮院吉山園五使依乾興例更不朝拜諸陵將來
靈駕發引羣臣至板橋奉辭次日西上閣門進名奉慰掩皇堂畢
并神主到京皇儀殿奉安訖及祔廟禮畢羣臣並詣西上閣門進
名奉慰訖退五使已下俟掩皇堂訖進表奉慰並從之上同

五日太常禮院言將來山諭冊實告太廟讀於靈座欲望軍員更
不立班從之上同

六日太常禮院言將來山園皇后隨行掩皇堂應隨從臣僚並合
立班進名奉慰并山園皇后已下隨行並逐程於靈駕未發前朝
臨至晚哺臨其隨從命婦等候逐程奉安靈駕畢行朝臨將來莊
獻明肅皇太后發引前一日除行禮公卿及諸司合祇應人等在
內止宿如內庭有本司者宿於本司無本司者宿於皇儀殿門外
幕次宰臣樞密宿於中書密院從之上同

七日宰臣率百官奉二太后謚冊實告於太廟翌日上於靈座

冊文曰哀子嗣皇帝臣

仁宗

言伏以致孝之本莫大於顯親敦化

之方莫先於追遠矧荷明辟之重形四海之風追惟鞠育之仁永
懷孺慕之感不諫大行何以昭眾聽不錄顯冊何以信後來恭惟
大行皇太后沙麓開祥塗山鍾粹本靜專以法地體柔明而配天
動遵珥珥之儀言合圖史之訓以任姒之德嘗佐治於周家以陰

馬之賢更翼隆於漢室至於受遺先帝稱制從宜保佑匪躬尊臨
天寓風教被乎蠻貊仁澤及於昆蟲九廟展祠六宮承式焦勞一
紀覆育萬物蘭殿問安適恭於子養椒塗倫景奄遺於內艱利衛
戒期王靈協吉用舉迺崇之禮式中顧復之恩爰詔有司俾敕容
典乃鋪懿鑠備颺淑聲祇薦大名以應丕則謹遣攝太尉門下侍
郎兼兵部尚書同中書門下平章事昭文館大學士監修國史張
士遜奉冊寶上尊諡曰莊獻明肅皇太后伏惟聖靈降格膺茲典
禮幽贊丕祉對鴻休廟祐烝嘗永永無極禮畢羣臣進名奉慰上
十日山園使張士遜言乞差集賢校理王琪隨行管勾章表從之
後以琪病復差集賢校理聶冠卿上同
十一日啟撰宮百官衰服臨於皇儀殿易常服出內自是至發引
皆如之上同

十七日參知政事樞密副使文武百官臨於皇儀殿庭及門外宰
臣樞密使山園五使分官赴洪福院臨自是輔臣分押百官班臨

至發引如儀

上同

二十日帝行啟奠於梓宮百官入臨梓宮升龍輜祖奠徹帝顧臣
曰朕欲親行執紼之禮以申孝心乃引紼行哭出皇儀殿門輔臣
禮官固請乃止仍步送至正陽門外百官立班梓宮升輿設遣殿
參知政事王隨讀哀冊冊文曰維明道二年歲次癸酉三月甲
午莊獻明肅皇太后崩於寶慈殿四月癸卯旋殯於皇儀殿之西
階粵十月丁酉遷座祔於永定陵禮也椒闈月曉蕙路霜凄啟葭
塗於祕殿厥羽衛於通遠哀子嗣皇帝仁宗痛慈覆之長隔悲遠
日之有期山開松楸兆協著龜徒瞻象物莫駐龍帷從先后之不
遑邀上賓以何之爰發宸旨下及台司俾導揚於孝治庶光昭於
母儀詞曰太上立德建用皇極惟天所輔惟帝之則其次立功追
皇比崇享壽品彙昭合鴻濛其次立言徽銘是宣有教無類非文
不傳思齊有慈作合先帝總是三者以經萬世自昔來儀鍾夫卓
異捫霄協夢攬乾育粹占麓開祥獲龍凝系玉度沉潛蘭儀靜嫺

十亂同符三辰允契內助聖考洽成至治斗極交歡天符輯瑞車
書一同文軌軒鼎既昂綴衣在辰顧惟冲眇以託慈仁於御坤元
乃助乾健丕揚景命順迪皇憲游精道齋棲志神局希夷自得壽
考惟寧邃探古記遠監前經心該治亂道應神靈敷敘天枝堯隆
宗室顧待無貳寵嘉咸秩善養士類勤求俊奇弓旌相踵巖穴無
遺屏去雕文敦尚樸素織紵是親濯衣是御仁恕賦意惻愍居懷
施德行惠牧惠分災歲述蠲釋民隱矜哀宏開壽域茂建春臺方
隅潤澤遠邇胥來珪璋之行竹帛難紀著在鴻臺書之彤史嗚呼
哀哉積焦勞之不豫兮歷涼燠以無瘳懣挹霞之罔驗兮侗但景
之難留發緒言之不跌兮春維碎之以垂休嗚呼哀哉龍輅風駕
兮遵途超忽蜚車宵載兮直域右出紛圭鬘兮張徘徊列地恍兮
澹蒙密霧楚挽兮淒凝風素旗兮慘慄嗚呼哀哉周原鞏木兮岑
鬱蕭條經皇神寢兮幽巖穴寥暗澤生塵兮寶奩北暗巾箱遂覆
兮仙鳳甚遙體魄即安兮協儀曩冊神明外濟兮御辨曾霄嗚呼

哀哉德業光大兮信編紀聖恩腴普詠兮羣倫訓定保我黎元兮
順時立政佑我皇圖兮祈天永命生著懿範兮九圍胥詠沒存徽
謚兮千齡愈盛嗚呼哀哉 禮畢奉慰羣臣赴板橋奉辭訖易常

服退

上同

二十一日羣臣詣閤門奉慰

上同

二十九日命樞密副使李諮往山陵祭告復

上同

十月五日葬永陵之西北隅羣臣奉慰

上同

十日虞主至京羣臣奉迎於瓊林苑帝服靴袍導迎於皇儀殿門
奉安於皇儀殿有詔賜山園五使休暇三日百官一日

上同

十二日羣臣班皇儀殿虞祭進名奉慰自是至祔廟間日虞立班

奉慰如儀

上同

十六日帝齋於垂拱殿羣臣宿於朝堂

上同

十七日帝酌獻於皇儀殿神主載重翟車帝親步導出正陽門奉

辭祔於奉慈廟有司行祔廟之禮羣臣奉慰

上同

二十一日德音兩京畿內釋徒罪應沿山園科率並蠲復賦役上同

二十六日奉安御容於慈孝寺彰德殿上同

景祐元年三月二十五日詔小祥前後禁樂各三日不視事各二

日詔大祥前二日不視事上同

章懿皇后喪禮

仁宗明道元年二月二十六日宸妃李氏薨橫塗於嘉慶院三月

十四日葬於洪福禪院之西北隅命翰林學士馮元楫臚鴻臚卿

與入內侍省押班盧守勳上御藥張懷德監護喪事三司使尚

書兵部侍郎晏殊撰墓銘卷六十七

二年四月十五日詔中書門下曰朕哀制之中未遑議政皇太后

謂朕曰宸妃早事先帝尤推懿恭膺降誕之符守謙冲之德至於

奉侍陵寢聿周禪祥歸奉母儀克勤輔佐興居合禮言動有常兩

朝徽音九御承憲淹悲淪謝俄歷歲華權厝梵宮未崇位號當遵

舊典祇上尊名別卜寢園用光世範况今大行太后方議山陵宜

因茲時式便修奉朕仰承慈旨惕念勿勞愴慕之懷夙宵因措敢
忘燕翼以奉謨言宜令中書門下依先朝追崇元德皇后禮典追
崇宸妃尊謚位號及營奉園陵制曰王者撫育黎元務恢要道
蓋孝篤於已則化之厚感發於天則報必隆有懷顧復之恩爰舉
尊崇之典故崇妃李氏輔佐先聖誕育眇躬空流彤管之音未正
星軒之位是用順稽舊禮恭薦徽名庶申創慕之思以稱劬勞之
德宜追尊為皇太后仍令有司擇日備禮奉冊宰臣率百官詣西
上閤門進名奉慰同上

八日詔大行皇太后山陵五使修奉都監總管並兼園陵之名命
翰林學士馮元議謚號西京作坊副使張永和為園陵按行使

儀制同章獻明肅皇太后
后者不重錄同上

九日命宰臣李迪撰哀冊文并書參知政事陳堯佐撰謚冊文并
書冊寶同上

二十七日翰林學士馮元請上尊謚曰莊懿皇太后詔恭依

曰追冊之儀具存於在昔增名之典昭示於方來仰濬哲之挺生
由後坤之載震誕保隆平之運永懷顧復之恩爰極尊稱式彰恭
事乃崇謚號用播德音伏惟皇太后夙奉先朝久恭內職柔嘉有
裕溫順無違孝愛之心諒從天賦勤儉之德本自性成懿範幸修
令聞斯著事上喜循於禮法逮下常敷於惠和繇是帝澤優隆羣
情悅服發祥符於吉夢育嗣聖於昌辰及乎仙輿登遐龍輶送往
侍山園而終喪紀還掖殿而佐母儀動必肅雍靜惟淑慎屢升班
級愈發徽章宸衷潛荷於劬勞慈誨每稱於謙退方立四妃之位
未正三宮之名俄遭沉疴忽歸厚夜惟懷盡飾既安貴於郊原陵
寢載營將祔遷於北域皇帝痛辟顏之永隔思榮養以無罔欲伸
罔極之情爰舉追崇之禮特頒詔旨以示宰衡仍諭官司當遵故
事於是大陳器備盛列威容重翟禕衣始降於異數闕宮總帳期
奉於明靈先命近臣俾論節惠苟非實錄曷著芳猷而況告於廟
祧紀於圖諫幸參史觀敢盡公言謹按謚法履正志和曰莊溫柔

聖善曰懿皇太后慶承仙系秩序宜閑持身常務於靜專接眾無彰於輯睦可不謂履正志和乎誕生真主祇守皇圖克成下武之功允副思齊之德可不謂溫柔聖善乎伏請上尊諡曰莊懿皇太后

后上

五月十日帝詣洪福院櫟宮展告奉尊諡之禮其儀用啟聖

院朝謁之禮添祝官一員自後遇朔望薦饗皆權起輦殿上

上

十四日太常禮院言將來莊獻明肅皇太后發引前夕皇帝親行祭奠之禮莊懿皇太后發引前夕欲望就差園陵發引使行祭奠之禮詔宰臣李迪上

上

八月二十五日太常禮院言將來二太后同日啟櫟隨靈駕皇親文武官欲只着昨來所破孝服詔莊懿皇太后啟櫟日別造皇帝衰服李用和骨肉孝服

上

二十六日太常禮院言將來山園發引欲依司天監所定時辰其日皇帝正陽門前奉辭莊獻明肅皇太后靈駕畢釋衰服素紗展腳幙頭淡黃衫出朱雀門赴洪福院臣僚亦權常服黑帶皇帝至

洪福院易衰服百官孝服立班行禮所有啟攢後一日皇帝親詣洪福院行祭奠之禮詔出保康門赴洪福院餘依奏

上同

二十八日太常禮院言靈駕發引日莊獻明肅皇太后靈駕先發至瓊林西道北設幄殿權奉安俟莊懿皇太后靈駕至內常寺於莊獻明肅皇太后靈駕後跪奏莊懿皇太后奉見訖先行莊獻明肅皇太后以次而行其議狀並合為一處前行詔可

上同

九月十一日遷梓宮於洪福院分命百官易服立班如皇儀之禮

上同

十二日帝幸洪福院服衰服詣靈座前行祭奠禮號慟久之羣臣易服敘班如儀

上同

十三日攝太尉宰臣張士遜奉謚冊寶赴洪福院上於靈座冊文曰孝子嗣皇帝臣作宗言伏以奉先追本孝治之篤終迹行表功禮章之榮後故生未感其位則沒有尊其稱仰惟慈覆之重早興孺慕之感念報罔極式嚴追禮恭惟皇太后軒象儲景曾沙證

期儼執先朝協華椒掖行與道合位以德升動循珩珮之音居服
保阿之訓外履質約桂裳無文中存禮閑玩好不飾蘭儀玉度六
列以為表模淑問暉章四教於是領畧天隆其祐神表惟祉載誕
孤蒙屬當統業積善有報垂祐無疆一紀於茲四方用乂方期顧
復永奉恩嚴宣謂景命靡融忽賓霄極悠悠蒼昊誠難堪哉况夫
君臨四海母託萬邦而歡嘉未伸音容俄隔劬勞永感終天曷窮
頃雖薦號闕宮厝神淨界禮分未稱心焉如摧今園寢告成龜跡
叶吉時宰庶尹儒宗禮官考儀綱圖探烈彤史咸以謂紀謚之法
實始宗周追冊之儀蓋本炎漢敢稽往典虔易大名謹遣攝太尉
門下侍郎兼兵部尚書同中書門下平章事昭文館大學士兼修
國史張士遜奉冊寶上尊謚曰莊懿皇太后伏惟明靈如在鴻典
是膺上從聖真陰右皇序祔饗清廟與邦家無窮禮畢羣臣詣閣
門奉慰上同

十四日帝幸洪福院詣靈座前祭告如十二日之儀上同

二十日帝幸洪福院服衰服親奉引梓宮降殿至庭中行遣奠禮
攝中書令樞密副使李諮讀哀冊 冊文曰維明道二年歲次癸

酉四月丙申朔六日辛丑追上真宗皇帝宸妃李氏尊號曰莊懿

皇太后粵十月癸巳朔五日丁酉遷座祔永定陵之次禮也燎火

餘燼星華啟明森靈位以宿設儼仙輶而欲行風物淒其變采鐸

挽唱以流聲哀子嗣皇帝作宗痛隔慈顏欽揚卹典感劬勞於欲

報竭誠信於先遠乃命執事紀垂芳猷琢之金玉代彼旂旒謂詞

曰函關紫氣柱史族貴軒轅黃龍次妃位崇含德之厚是稱坤母

配天之尊乃侔乾元祚發竹書運膺赤伏三葉重輝九圓率服王

化所先壺政惟穆修明陰教登進才淑倬哉邦媛允矣儒門選華

啟緒積善昌源稱詩率禮有德有言如松之茂如玉之溫託景椒

塗陪游繭館象服斯皇女功載績勤懋觀圖諫辭輦位映紫庭

芬揚彤管繼明昭晉隲趾靈長業闡持禹慶叶生商夢日興貴祠

謀感祥載震載夙宜君宜王黃離存吉金幹增強帝所無還湘川

不從銅臺蕙帷先園是奉安車赤綬禮策加重懷恩永慕居約彌
冲攀慈宴於長樂戒外戚於濯龍仁則宜壽明胡弗融奄嬰六疾
未建三宮邈求藥兮冥津閣者登真兮雲漢重嗚呼哀哉聞忽不
追炎涼甫換剛建龍中威光靈斷躬攀維綱緬思聖善堯母門兮
歸獨存身毒鑑兮猶可見嗚呼哀哉崇章極號情文克申尊名茂
行厥謀斯陳殯宮再開園法攸遵變黃衣祚聖對玉璽兮思親嗚
呼哀哉鮒魚之陰將開陵兆夷則之奏聿嚴妣廟追遠兮慎終揚
名兮繼孝嗚呼哀哉駒塵莫駐膳誰羞林欲靜而風不止露既
降而歲云秋覽池閣以心瘳閱卮匱而涕流嗚呼哀哉東背浹郊
西瞻翠霧黯嵩色兮凝陰浩浩波兮奔注皇嗣肇兮長班苔銀海
深兮潛漆炬矧可度兮九虞空復還兮五輅嗚呼哀哉蕭蕭松柏
肅肅几筵閱暈珥而夷體攀弓劍以階仙慟極宸宸哀深昊天內
盡志兮顯若如事生兮優然嗚呼哀哉柔明之風始資內治顧復
之愛終光聖嗣含飴之樂雖違養德之靈俾熾伊淑範與懿聲永

奉傳於金匱嗚呼哀哉 靈駕發帝復攀引大升輿步至院西南

隅宰臣固請止步候仗轉乃還次

上同

二十三日禮賓使同勾當皇城司李用和言莊懿皇太后開墳梓宮上有水濕痕下面有泉眼出水勘會元係上御藥張懷德踏行翰林學士馮元入內押班盧守勲勾當監護詔並免勘懷德罰銅三十斤移本路稍遠處州軍依舊編管守勲落入內押班與鈐轄差遣馮元落翰林學士兼侍講守本官龍圖閣學士知河陽

上同

十月五日葬於永定陵之西北隅

上同

十日虞主至京奉安於皇儀殿自是十六日有司行虞祭之禮

上同

十七日祔神主於奉慈廟命有司行祔廟之禮帝導迎虞主宿齋

羣臣辭迎虞主奉慰皇帝並如章獻明肅皇太后儀

上同

景祐元年二月九日詔忌辰前後禁樂各三日不視事各二日禁

屠宰各一日

上同

章惠皇太后

仁宗明道三年十一月五日保慶皇太后上僖於保慶殿遷殯於
皇儀殿宰臣文武百官班奠於殿庭詔前後殿不視事三日京城
禁樂百日内外州軍官吏不發哀不禁樂選日奏告宗廟諸陵太常
禮院比附檢詳典禮以開放文武三班使臣幕職州縣見謝辭正
衙至十七日依舊上

六日命吏部侍郎知樞密院事王隨為園陵監護使入內都知王
惟忠為園陵都監入內押班劉從愿為同都監侍衛馬步軍副都
指揮使鄭守忠為修奉總管仍令從愿往永安四陵側近按行園
陵上

七日詔特祔奉慈廟命翰林侍讀學士判太常寺李仲容議謚號
翰林學士承旨章得象撰哀冊文翰林侍講學士馮元撰謚冊文
知制誥李淑書哀冊王舉正書謚冊胥偁書謚寶張永和管勾修
奉慈廟室上

八日太常禮院言近時祭奠準例監護使行禮從之上

九日詔將來發引皇親并郡縣主迎院最長一名從祔葬宮院率
房去太常禮院言京城禁樂百日凡遇祭饗大中祠用樂並備而
不作候滿日依舊園陵前每朔望皇帝不視事一日冬至元日並
在園陵之內其日羣臣詣皇儀殿門奉慰從之司天監定神臺高
下入地深淺神牆步數皇堂門闊及鵲臺乳臺相去步數詔皇堂
用四十五尺神牆高一丈餘依上同

十日太常禮院言皇帝本服總麻三月皇帝皇后服皆用細布

服日服布殿宗室皆素服吉帶正制史已上服大長公主已下亦素

服公主夫人卿縣主已下服練練軍卿縣並常服入內就次易服三

日而除本宮人首經布服送葬者葬訖而除不從者發引日並除

之皇帝成服祭奠皆太常卿贊導哭訖歸御幄皇親移班奉慰羣

臣並進名奉慰以日易月之制當成服三日而除皇帝不視事三

日不視朝三日當朝視事並常服詔曰保慶皇太后夙深慈育保

祐冲人特荷擁全遂增徽號奄經山靈痛慕何深宜加服為小功

五月用易月之制五日而除親朝特服素沙巾淺色衣黑帶俟祈
廟畢服常服上同

十一日大欽成服羣臣奉慰劉從愿言同司天監官按行到永定
陵都休地一段堪充園陵詔可上同

十二日太常禮院言凶仗請下少府監製六十事監護使王隨言
準明道三年例內藏庫支錢三十萬貫供用今來更不差煩通使
詔凶仗增製四十事錢內藏庫支一十萬貫餘從之上同

十三日太常禮院言準詔特加服小功皇親亦合隨皇帝五日而
除從之上同

十六日橫於皇儀西階羣臣奉慰上同

十七日翰林侍讀學士判太常寺李仲容請上諡曰莊惠皇太后
詔可 議曰夫名以實實諡以表行古今之通議也矧極天子之
孝致四海之養旌慈仁之列答愛育之德不亦義之大乎伏惟保
慶皇太后柔順含章淑明成裕襲赤泉之遐胄流太妣之徽音維

儉約之是教維謀祇是履寬而遠下動必得中外族無假借之私
公室盡思勤之意自家刑國表裏肅然在昔永定登真實參付託
之重大明繼照每懷顧復之恩皇帝爰自續承早從依怙是用追
長樂之往制揭保慶之尊名親倚之隆皇情斯厚方且怡神黃老
比壽松喬弗慮弗圖光靈倏闕因心追遠有惻於上仁考行易名
式揚於坤範謹按諡法維德瑞嚴曰莊慈哲遠識曰惠伏請上尊
諡曰莊惠皇太后上月

十八日太常禮院言奉慈廟殿見今一間內莊獻莊懿室殿兩頭
挾屋只收尊號寶冊欲將挾室內寶冊法物於本室奉安將六間
分三室以西為上奉安神主從之同上

二十一日詔來年二月六日葬訖八日覆三九日離陵所十三日
宿普安院就百日五更燒神帛一行人入京影座於右掖門入由
景暉門赴慈德殿即保慶也七日皇后於會聖宮朝拜八日諸陵朝

拜同上

二十三日太常禮院言請兩制館閣官各撰挽詞二首付太常寺教習執儀仗人用太常太僕金吾左右街司殿中省司天監兵衛

二千三百三十四人奏可

十二月八日太常禮院言園陵所遇州縣發引前三日至神主回

京並禁樂羣臣於板橋奉辭靈駕畢次日赴西上闕門進名奉慰

祝冊文並稱孝嗣皇帝臣某園陵監護使應隨從官並常服黑帶

皇親各素服隨從宿頓詣愷殿前立班致奠所遇州縣官吏送迎

並常服黑帶應佩魚者權去之皇帝親行遣奠之禮掩皇堂畢并

凡虞祭並用大祠具宗正卿行禮應隨從官並陪侍立班再拜升

祔奉慈廟并每歲五饗三室牲牢共用羊豕四大升舉百五十人

輜車挽士二十人挽歌三十六人餘準詔憲皇太后禮例並從之

上同

十一日內降御製挽詞二首令太常寺教習

上同

十七日太常禮院言將來神主到京請於瓊林院權奉安以行并

祔之禮祔廟前一日皇帝親行酌奠園陵沿路十里內神祠準例
差官祭告掩皇堂前夕合差內侍行祭奠詔差人內都知王惟忠
祭奠餘並依上同

二十六日太常禮院言園陵掩皇堂畢應隨從臣僚並合進名奉
慰皇后神主至京及祔廟羣臣合出城并廟前奉迎從之上同
四年正月十三日詔二月六日掩皇堂命右諫議大夫孫冲祭告

上同

十六日羣臣奉懿冊實告太廟翌日上皇儀殿靈座 謚冊曰孝
子嗣皇帝臣仁宗言伏以敦仁厚愛撫育之恩深尊位大名推崇
之禮備緬思自己之重追述累行之節垂之徽冊表乎公議恭惟
保慶皇太后河汾遺胄岷蜀遐源早翼贊於先帝常參聽於內治
時修蘋藻之事動監箴圖之戒簡狄佐譽象應四星女英續虞道
存二典被文考之末命增皇太之尊稱擁衛眇躬紹承丕祚陰教
既洽孝養是承協恭母儀竭款世室副禋重程服御以光璋璣玉

盡裸薦有序克從獻之義用違追養之心逮夫專侍瑤齋遂受琮
鎮避臣名之尊奉辭歲計之供須舉搗紫闌音播彤史當錫神社
以均邦祚而晨宮不弔凶咎奄鍾荷顧復之私每懷欲報致踊哀
之痛永感不忘亟下詔書咸告中外禁聲樂加服紀所以申哀素
也陳龍軌飾鳳輜所以嚴備物也祔山兆升闕宮所以建陵廟也
訂寶謚勒金策所以昭德號也有司定論庶尹同辭皆謂嚴正齋
恭之誠慈哲寬裕之範積實於既往流芳於將來誰曰不然斯為
允矣謹遣攝太尉右僕射兼門下侍郎同中書門下平章呂夷簡
奉冊寶上尊謚曰莊憲皇太后伏惟慶靈垂鑒蕃敷是膺歸安仙
園敷佑皇極歆歲時之常祀懷宗社而長存

上同

十八日啟

賢宮帝詣皇儀殿行祭奠之禮

上同

二十四日

監護使詣皇儀殿行啟奠奉梓宮升龍輜至中庭復行

祖奠禮畢龍輜出宣德右門外升大昇輦百官敘班帝行遣奠之

禮攝中書令讀哀冊

冊文曰維景祐三年歲次丙子十一月乙

亥朔四日戊寅保慶皇太后上僊琬璫於皇儀殿之西階有司奏
 諡曰莊惠粵明年歲次丁丑二月甲辰朔六日己酉將遷座祔於
 永定陵禮也雕輜鳳戒祖奠宵陳列銘旌於廣陌嚴仗衛於清晨
 孝子嗣皇帝臣附名宗感慕日增哀懷天至禮有數而載加物無容
 而不備惴遠卜之遄臨痛慈顏之永闕爰詔辭臣奉揚淑懿辭曰
 姬周之胄發祥憑厚絲緒蕃昌慶靈遠茂琬璫凝輝珠璣炳秀華
 閔挺生熙辰聿邁昔在先朝助宣內治靜順柔明溫恭結惠四星
 耀極位列其次六宮修職坐論其事率禮無違秉心罔諉登進賢
 才憂勤寢寐協和邦教敦厚人倫均恩逮下節用先身練繒示儉
 椒蘭藹芬休瑞應期多歡在旦陪從巡遊周旋問燕左右圖史朝
 夕規諫鼎湖升駕玉几遺言付託尤重儀服是尊橋山送陛清廟
 薦繁烝烝展考翼翼告虔洪惟聖皇寶資保育克愛克慈是顯是
 復顯號推崇徽章渥駘爰作寶命乃受琬璫玉光輝靡耀德範彌隆
 勞謙降志冲約處躬盡選賦邑之奉屢辭外戚之封味金仙之妙

典探老氏之淵宗方怡神於壽域俄榮靈於璇宮嗚呼哀哉天乎
難堪高不可問生也有涯同歸於盡迫真馭於九清促千齡於一
瞬嗚呼哀哉中宸愴慘禁掖淒涼總帷掩兮畫闥攢殿虛兮夜長
鎖媛何依兮攀號殆絕禕綸弗御兮殿礎深藏璽黼筵兮流塵易
晦祔陵園兮拱木相望嗚呼哀哉龜冊告猷龍輔進轅服馬悲鳴
繁笳怨咽背層闕之浮雲睇西郊之落月閱逝波兮不復迴恨終
天兮從此訣嗚呼哀哉陰陰泉穉森森柏城上無光兮翳白日下
無象兮潛萬靈想神遊兮莫測惟體魄兮長寧饗閔宮之嚴祀兮
昭謚冊之大名同皇基之永固兮倬厚載以難傾嗚呼哀哉禮畢
奉辭羣臣赴城西板橋奉辭上同

二月六日葬於永定陵之西北隅羣臣奉慰上同

十三日羣臣赴順天門外立班迎拜虞主權安於瓊林苑上同

十四日帝幸瓊林苑行酌奠之禮上同

十五日詔賜監護使已下休假三日上同

十六日羣臣敘班奉慈廟前神主祈升行祈饗之禮畢詣閣門奉

慰凡敘班奉慰行禮並賜酒食於幕次上同

十七日德音兩京畿內釋杖罪應沿國後陵應奉科率並蠲復賦

役沿路道場首經僧道並賜紫衣上同

神宗熙寧二年七月二十七日命龍圖閣直學士張挾攝太常卿

以十月九日瘞神主於園陵別議具九月二十八日起發上幸墳

林苑奉辭上同

張皇后

仁宗明道二年十月三十日詔故美人張氏追冊為皇后上同

天聖六年九月二十日薨殯咸宜坊之別第葬奉先西北隅上同

十一月三日詔追冊皇后官告焚黃進入內上同

十一日詔內侍相視園陵地步太常禮院詳定儀以聞務從簡儉式

上同

十六日命內園使帶御器械岑守素管勾修葺園陵上同

景祐九年正月九日司天監言準詔太常禮院定到陵臺制度修展牆園移正門戶石作牆外據地步置棘園獻堂安鳴尾別無妨礙典修年月至乙亥年二月八日利便從之上同

郭皇后

仁宗景祐二年十一月八日金庭教主冲教持元帥郭氏薨治喪於嘉慶園上同

二十五日詔以禮薨太常禮院詳定議式以聞上同

二十九日太常禮院言參詳故郭氏出葬日吉凶函簿儀仗欲望比孝章皇后例墳園陵臺依張皇后例大昇舉影帳欲只綵結之從之上同

二年正月日太常禮院言出葬日排吉凶儀仗望自嘉慶院導引出崇明門赴奉先院從之上同

十三日制曰國家推褒寵之恩不忘於存殁舉追崇之禮用極於哀榮其有曾沙降祥視天表貴雅尚清虛之志素懷冲默之風脫

展世紛爰棲於真境飛名仙籍奄謝於人寰懿想音容特申命數
故郭氏德門鍾慶寶婺分輝鑒圖史之前規服組紉之懿範早自
玉衣叶兆金屋承榮統御六宮久宣於陰教逮事先后備罄於孝
誠克彰輔佐之勤茂著閤和之則而乃遺情物表探味淵宗獨抗
出塵之心遂壓塗椒之地靈期遠迫晞露難留良增悼往之懷載
厚飾終之典嗚呼柔儀永隔內範如存躋三景之蹤倏同於萬化
應四星之象復正於徽名魂而有知敬茲優渥宜特追冊為皇后
仍令所司擇日備禮冊命

上

十七日詔曰朕纂緒膺圖建中御極念持盈守成之誠敦自家刑
國之風期表正於萬邦務恢隆於至化故郭氏早由冠族選備椒
房允資令人以宣內治而頃因念終偶生謀恭既虧承順之儀當
行廢黜之典止遷別館冀省前非而屢上奏封願為羽服懿志彌
確敦諭不回勉從勤請之誠仍逮修真之宇遽嬰沉疾奄謝昌辰
朕以其入預長秋僅周一紀逮事先后親奉寢園存沒若斯軫悼

良切特中追冊之命復正中壺之名制禮緣情靡懷於往咎飾終
漏澤且慰於遊魂郭氏已降敕追冊為皇后其諡冊祔廟並停渚

爾宰司當體予意

同上

十八日命知制誥丁度內侍省內侍押班藍元用同護葬事建陵
臺於奉先院之東北隅

同上

嘉祐三年閏十二月二十六日詔太常禮院議修郭皇后影殿於
洪福院禮官言景祐追冊詔書已停諡冊祔廟之禮其修影殿於
典禮無文伏請寢罷又議者謂不若祔於廟復詔兩制同禮官檢

詳祔廟典禮以聞

同上

四年八月十六日知制誥劉敞言郭氏嘗被廢不當祔廟又詔學
士院考詳折衷之論同知太常禮院洞言既追復后號豈可絕其
祭請創立別廟遇禘祫則奉以入饗於義為允敞又以洞所言為
非禮洞亦疏難之其後學士院卒不上議朝廷亦未遑施行

詔金

后廟
同上

慈聖光獻皇后

神宗元豐二年十月二十日太皇太后崩於慶壽宮遺詔曰吾受兩朝之託翊嗣聖之興十有七年安居房闈皇帝天篤仁孝自滋眷神嘗咨務於禁中獲助勤於天下而災涼變序疾疢乘哀皇夜不解衣朝至忘食雖聖心之備盡終天數之莫諭吾嘗觀性命之原達死生之際生而饗慶壽之養沒則從昭陵之遊顧循初終夫復何恨皇帝宜念宗廟之重無過哀傷更賴股肱近臣共為歡釋成服之後三日內聽政服紀以日易月在京文武百官十三日而除諸司長官及近臣觀察使以上臨於宮庭其餘臨於宮門外諸道州府長吏以下三日釋服軍民不用縞素沿邊不得舉哀釋服之後勿禁作樂園陵制度務遵儉省勉從吾志勿事煩勞餘並依昭憲明德皇太后故事施行是日文武百官入宮庭宰臣王珪升西階宣遺詔已內外舉哭盡哀而出上同

二十一日百官朝晡臨於慶壽宮三日止又朝臨四日初太常禮

院言昭憲皇太后故事百官朝暎臨三日止詔加朝臨四日宗室朝臨至成服止禮院又言明德皇太后故事京城外內禁樂至皇帝釋服如舊詔過卒哭上同

二十二日詔入內都知張茂則主管殿啟事入內東頭供奉官宋用臣修梓宮昭德軍節度使兼侍中曹佺入臨被髮行服佺子姪誦評論誘誌讀並準子為母喪服免朝參不登務見任俸給並如舊上同

二十三日詔曰準遺誥園陵制度務遵儉省恭以大行太皇太后輔佐仁宗皇帝援立先皇帝保翊朕躬獲安宗廟社稷功隆德盛聞於四海垂及後世光輝無窮而天畀聖質今昔絕擬遊心道域退託不居淵默宸闡福庇天下方圖崇報未知攸為今遺命陵號於本廟舊制乃重有貶抑曷以茂對顯烈慰中外之望乎可詔有司易園陵曰山陵餘恭依遺誥施行命參知政事蔡雄撰哀冊文同知樞密院呂公著撰哀冊文翰林學士章惇撰諡號文龍圖閣

直學士韓縝書哀冊謚冊號文

上同

二十四日命韓縝為山陵按行使昭宣使入內副都知王中正副之

上同

二十五日詔山陵修奉深慮有司遇有煩勞枉費人力不能仰承遺詔務遵儉省之意可豫戒三司斟酌轉移應付毋得寬剩計置除京西路轉運司自命供辦其諸道非拋降毋得妄有進助

上同

二十六日大殮命宰臣王珪為山陵使判太常寺陳薦為禮義使御史中丞李定為儀仗使知開封府錢藻為橋道頓遞使同判太常寺陳襄為鹵簿使後襄辭疾以翰林學士蒲宗孟代之

上同

時中書言本朝命儀仗鹵簿二使或因闕官或緣誤例御史中丞皆得領之今按昭憲明德皇太后例差御史中丞兼儀仗使天聖二年南郊差御史中丞薛奎為鹵簿使會要引故事御史中丞當為儀仗使國初尚依此制其後中丞或闕以他丞郎為之其職掌猶用臺吏如故儀仗使無專掌但令憲司督促諸司而已天聖明

道時皆有中丞以為函簿使非舊制也上同

同日命入內副都知李憲為山陵都大主管入內東頭供奉官寄

六宅使宋用臣為都大提舉修奉皇堂是日百官拜表請聽政不

允自是七上表乃詔俟終易月之制有司定日御殿上同

同日太常禮院言昭憲明德皇太后故事內有年歲深遠禮制不

全欲乞參詳比類山園陵案例申請施行從之上同

二十七日命權主管侍衛馬步軍司燕達為山陵修奉總禁兵護

役宋用臣專令總役兵修奉兩司毋得侵越上同

二十九日皇帝成服於慶壽殿百官成服於內東門外入奉慰於

慶壽殿之東廂慰皇太后皇於宮門外上同

十一月一日羣臣慰上及皇太后於慶壽宮門外自是朔望以為

常至祈廟止上同

同日太常禮院言明道山陵故事啟敢百官服初喪服入內內侍

省教知押班以下并軍員三班使臣伎術官不服請如故事詔都

知押班以下並如百官服初喪服餘如故事

同上

二日百官進門起居於慶壽宮外至御殿日止

同上

三日小祥祭百衰服班慶壽宮庭哭仍慰皇太后於宮門外

同上

四日詔諸路州縣並禁樂至卒哭既而太常禮院言按禮葬而後

虞虞而後卒哭卒哭而後祔景德中明德皇后以百日為卒哭卒

哭後不禁樂以百日為卒哭蓋古之士禮不當施於朝廷迺詔改

卒哭為百日又言故事大祥禫除宰臣徑密使大兩省觀察使以

上入宮庭奠訖率百官班宮門外又準遺誥近臣觀察使以上臨

於宮庭餘臨於宮門外將來大祥禫除欲如故事及遺誥施行詔

大祥禫除卒哭可並準小祥故事

同上

十三日翰林學士章惇上言竊稽典禮不得誅上則大行太皇太

后諡號蓋非臣子之所敢專必將有所請謂若請之太廟於禮為

宜願付禮官詳議於是太常禮院言孝明皇后之喪詔尚書省百

官議皆曰母后之諡則宜定於廟而讀之以明受成於祖宗孝明

皇后諡請百官議定制下乃請遣官告於太廟而不讀今參詳古者諡法后受之於天臣受之於君大行太皇太后仁配仁祖於禮為尊宜集官諡之於廟又勿不諱長子不諱母后英宗皇帝廟室於禮不當請諡欲乞集中書樞密院侍從官御史臺五品尚書省四品諸司三品宗室正任團練使以上赴太廟行請諡之禮然後詔有司作冊實告於天地宗廟社稷讀於慶壽殿從之上同

十四日殯於慶壽殿之西階百官班宮庭哭慰上及皇太后上同

十五日大祥祭如小祥禮先是太常禮院上大祥儀注皇帝祥

祭訖釋小祥服素紗幘頭跨黃衫黑銀帶羣臣移班奉慰上批宮

中自實行三年之喪不釋服受羣臣慰至是祥祭畢上衰服如故

上同

十七日禫祭如大祥禮

上同

十九日上服素紗幘頭淡黃衫黑犀帶御崇政殿西廡惺次號哭

見羣臣羣臣西向起居訖升殿奉慰

上同

十一月二十日山陵按行使韓鎮等言永昭陵北稍西地二百十步內取方六十五步可為山陵詔依又以陵域迫隘問鎮可與不可增展鎮言若增十步作七十五步為陵域合徵火相生及中五之數詔增十步

同上

二十一日冬至百官慰上及皇太后於慶壽宮門外

同上

二十五日上不視事羣臣請大行太皇太后諡於太廟二十八日

翰林學士章惇請上尊諡曰慈聖光獻皇后詔恭依議曰故事

祖宗諸后諡號皆二字惟章獻明肅皇后以四字即具奏稟奉御

寶批付臣曰先帝以宗子入繼大統嗣位之初哀毀過度感疾逾

年軍國機務無所秉決人情恟懼神器震搖賴大行太皇太后聰

明睿智機宜裁處於是中外晏安宗廟獲安逮皇躬康寧匪由人

言即詔復辟還轡東朝之養十有七年以慈為寶拊子育孫裕如

也功德盛大振古無有今以四字為諡大懼未足形容萬一姑循

故事而已宜以四字定諡臣再拜稽首奉詔於是有司擇日集百

官於太廟以請大行太皇太后尊諡臣謹昧死上議竊推迹上世
虞夏以前質勝文隱未有諡號以名配位死生同稱降及於商雖
有成湯之號而其傳蓋畧無得而稽焉迨周公旦相武賦憲作為
諡法以跡行表功實往名歸大細相稱而後百王遵之莫或廢失
故生有豐功盛德歿有大名顯號於發揮先烈垂耀後世蓋其為
法下不得誅上求諸典禮后之諡必請於廟所以質諸神明示天
下於至誠大公之極非臣子之所敢專也恭惟仁祖道侔乾坤德
配堯禹天既啟以太平至治之運乃作之合以助成關雎麟之化
是以大行太皇太后應運挺生賦畀篤厚超絕今昔聰明睿智之
性慈仁恭儉之行天成生知不習而至養德閨門則有窈窕之淑
聞儷體宸極則有思齊之徽音輔佐君子朝夕憂勤有卷耳之志
被服澣濯躬儉節用有葛覃之本愛均庶殯有樛木之逮下化行
隱遠有危置之好德退抑戚而屬飭之以恭謙惠哀鰥寡而振之
以衣食教內修乎閨闈治外形於家邦安止乎禮義之宮嬉息乎

藝文之圓煒煒乎維茲以論后妃之德固已極矣然猶未足以彷彿盛美萬分之一也若乃嘉祐之末春秋既高皇嗣未立中外懷懔人懷不寧已而英宗入居東宮國本既建於是天下之心泰然雖仁祖聖斷不惑早定大計實由大行太皇太后先知達識力贊以成及英宗即位之初哀毀感疾於是權宜聽政廟社以安亦既復避退處東朝委遠功名之隆優游妙道之域悟性命之靈通死生之變不訪乎崆峒而得治身之要不登乎姑射而知凝神之方蓋正位宮闈垂範十載受遺兩世母儀三朝淵默無為贊四海之養者十有七年皇帝仁孝純至恩義致隆咨務談經問安視膳尊奉報稱在禮無違今明詔之所發揮皆本諸至誠大公之極斯足以照映前古光輝無窮記曰文王無憂以其有王季為之父武王為之子也恭惟大行太皇太后仁祖以為夫英祖以為子皇帝以為孫聖神相承源深流遠以此較彼文王為不足侔臣愿觀載籍之傳任姒於周有內助之效而無關於社稷之功焉鄧在漢有關

政之勤而不知乎道德之興猶且流身雅頌騰芳簡編舉不概今
不其陋歟嗚呼義軒以前既不可得而考者自三五以來后妃之
美未有如大行太皇太后仁功聖德之盛昭天淵泉者也是宜為
宋文母以詔於萬世謹按諡法愛民好與曰慈能以仁教曰慈通
達先知曰聖窮理盡性曰聖和寧百姓曰光格乎上下曰光聰明
睿智曰獻博聞多能曰獻恭惟大行太皇太后包括眾美以集大
成神明之所歆天地之所合契宜以祖宗之命奉上尊諡曰慈聖
光獻詔恭依

上門

同日太常禮院言靈駕已奉詔出慶壽宮南便門出內東門今參
詳自內東門出宣祐門西上閣門過文德殿門出朝堂門入右昇
龍門出宣德門過天漢橋西出宣秋門順天門從之

上門

十二月八日太常禮院言故事見任文武陞朝之家候祔廟畢嫁
娶京官以下過禪除不禁臣子之喪制一等而用吉禮有遠近之
差非是乞見任文武官之家候九虞祭畢為卒哭許嫁娶軍民過

易月禪除不禁仍不用花綵從之上同

二十五日詔宗室正任防禦使以上許從靈駕已從濮安懿王夫

人者免從上同先是中書言詔司天監選年月日時遷祔濮安懿王

三夫人今大行太皇太后山陵濮安懿王三夫人亦當舉葬故有

是詔上同

三年正月一日不視朝羣臣及遼使詣閣門進名奉慰又慰皇太

后於慶壽宮門上同

五日太常禮院言發引前日晡羣臣及命婦當詣慶壽宮尊詔發

引前四日臨朝前一日仍晡臨九日詔鹵簿不用穆稍內臣二十

四人捧梓宮上同

十四日羣臣詣慶壽宮上誼冊曰維元豐三年歲次庚申正月

乙丑朔十四日戊寅孝孫嗣皇帝臣神宗名再拜稽首言曰臣聞道

本無形不可以稱謂德合無彊不可規以封畛然自昔賢聖相繼

作民父母莫不稽行以立謚紀功而建號著在典冊聲於郊廟蓋

休烈盛美既有以冒於四海則隆名尊稱必有詔於萬世恭惟大
行太皇太后實天祐宋誕生淑聖聰明淵靜至性得於自然慈仁
粹和懿範冠於往昔惟藝祖肇造區夏武惠之勳從事大室積德
流慶用大集於後昆迺登中闈作配仁祖夙夜警戒逾三十年億
靈神人嘉靖內外翊贊聖治迄用有成深惟宗社之重援立先帝
大策既定五謀協從諒闇之初哀疚弗豫勉同聽決庸濟艱難羣
情於是獲安神器以之增重而進退以正勞謙有終迹不踐於外
廷歲甫基而復辟方且宅心道祕頤神物表事東朝之尊十有七
年福浸黎元而撫挹不居奉極天下而恭儉自牧較其全德遠度
休聲茂實雖詩人所載任姒之美殆無以加漢氏以來馬鄧之烈
曾莫得而比倫矣顧惟冲菲獲奉宸昏教誨撫存慈惠兼至間冀
要務仰遵成規家用平康民以寧一庶蒙休治祐永錫難老以伸
小子欲報之志以慰萬方欣戴之心不圖邦釁上延奄棄崇在極
王衣如在飈駕不還痛色養之長違顧孺慕而何及考卜維吉因

山有期迺稽舊章節大惠易鴻名請於祖宗告於几筵謹遣攝太尉光祿大夫行尚書禮部侍郎同中書門下平章事集賢殿大學士王珪奉寶冊上尊諡曰慈聖光獻皇后伏惟明靈在天降鑒於下膺茲典禮永配廟祐儲祉錫羨光於無窮嗚呼哀哉謹言 上

諡寶畢羣臣退赴宮門外奉慰及懿皇太后

上同

十五日上元節羣臣奉慰及懿皇太后

上同

二十二日詔靈駕發引行宮四面增差天成一指擇

上同

二十六日詔增差禁兵二百人守陵

上同

二十九日太常禮院言啟敢故事前三日在京禁樂祔廟畢仍舊

所遇州府縣鎮候主回京仍舊又言明道中山陵文字首稱莊獻

明肅皇太后莊懿皇太后即是當年一時之時別無經見太

大行太

皇太后雖已有諡號然山陵未畢候掩皇堂題虞主去大行稱慈

聖光獻太皇太后祔廟題主稱慈聖光獻皇后並從之

上同

二月二日以啟敢前一日宰臣率百官奠於慶壽宮詔靈前發引

日聽高麗使陪位并遇奉慰入寺觀燒香並聽改服黑帶

館伴

上同

三日啟嚴宰臣率百官朝臨於慶壽宮上奠告遷梓宮於兩楹間奉慰及慰皇太后遂晡臨自是百官臨朝三日止

上同

五日詔皇堂創為地宮非嘉祐治平故事安厝梓宮須別為規度可命都大提舉修奉宋用臣專一主管

上同

十六日發引前三日百官服初喪服臨於慶壽殿自是日一臨前一

上同

十七日祕閣校理何洵直言按禮曰遂適殯宮三虞鄭氏曰虞安也既葬迎精而還祭之殯宮以安之士虞禮云側享於廟門外廟則殯宮之禮也凡宮有鬼神曰廟故說者以為虞卒哭在寢奉秋在左氏傳曰及哭於寢杜預云既葬日中自墓還虞於正寢蓋古者之葬近在國城之北故可以平旦而往至日中即虞於寢所謂葬日虞弗忍一日離也後世之葬其地既遠則禮有不能盡如古

者今大行太皇太后葬日至等六虞自當行之於外如舊儀其七虞及九虞卒哭謂宜行之於慶壽殿且虞以安神卒哭以告祔必就殯宮蓋即其平日居處之地則神靈之所憑依而來寧故也又按士虞禮主人行尸之後有亞獻三獻大暑與饋食禮同其所以變於吉者吉事尚左此則尚右如設洗於西階西南及陳鼎於西階前之類是也唐儀注虞祭太尉亞獻如不親行事則宗正卿亞獻光祿卿終獻皇帝素服太尉司徒以下祭服羣官皇親諸親皆素服臣以為虞祭當用亞獻終獻如親祠其服宜比附參酌施行又按春秋公羊傳曰虞主用桑何休注引士虞禮曰桑主不文後漢書志亦曰桑木主不書諡夫栗主書諡為禘祫之時別昭穆若虞主座於兩階之間則諡安用書舊儀題虞主伏請罷之下太常禮院言謂洵直所引虞禮乃士禮左氏傳乃諸侯之禮若朝廷禮則經無所見况嘉祐治平故事並虞於集英殿宜如近詔虞主同奉安於集英殿又饒尸衍尸並為事尸之禮後世既不設尸難用

此禮宜且仍舊又嘉祐治平故事虞主已不書諡今欲如洵直所請從之上同

十九日函簿使陳仗於宣德門外輔臣宿本司上同

二十日發引上啟奠於慶壽殿祖奠於庭遣奠於宣德門外百官及高麗使陪位右諫議大夫參知政事蔡確讀哀冊曰維永豐

二年歲次己未十月丙申朔二十日乙卯慈聖光獻太皇太后崩

於慶壽宮之萃德殿旋殯於慶壽殿之西階與三年三月甲子朔十日癸酉遷座祔於永昭陵禮也燎映九關漏終五夜淒風吹以

發音儼金根其趣駕孝孫嗣皇帝臣神宗痛悲遠日之至擗踊終

天之訣飛馭莫攀奠觴既徹迺詔迺臣追揚休烈其詞曰猗歟太

母遐矣洪緒承派軒后啟封邾王逮於武惠為宋方虎陰有善慶

超漢援禹其後昆篤生聖女瑞慶天連玉毫眾睹當炎精之四帝

永丹闡之內輔既作之合遘宅厥祥占陋沙麓兆輕壽房正家陰

順載物坤方聰明聖智端一誠莊珩珮惟和練衣猶浣出聞無言

脫簪有諫蠶織是親圖書是玩海富聖學鸞飛神翰化自身先恩
無私謁盛公族之麟趾微外家之金兄仰惟英兮入紹仁宗與子
天下贊謀禁中定九鼎之岌岌慰萬國之喁喁皇躬未康危親幾
政明辟旋復避遠威柄心契於道權歸乎正盛若虛至仁則靜再
副遺託克昌繼嗣勞神乎遭變之始受養乎承平之際一人定省
大務咨議每顏溫而訓篤何慈深而愛至造金仙之妙旨探柱之
微言撫赤綬之諸王弄文祿之曾孫斗維誕日之慶天圓嘉時之
燕壽醵舉而三宮樂寶輿動而九達林忽脫屣於紫房遽歸神於
清漢玉音絕兮官何所黼幄空兮漠無見嗚呼哀哉下詔之夕霜
霰寒初祖庭之旦草木春餘驚流景之過隙從吉占之啟途去深
殿兮背白日指新宮兮窺黃墟嗚呼哀哉煙拂羽仗月低斗城出
六衣於東闥轉五路於西垌紛相趨兮侍衛恍如在今平生嗚呼
哀哉馬躑躅兮風蕭散度鞏原兮臨洛岸近橋山之衣冠下銀海
之鳬雁龍鑑收兮將就蝕劍戶闔兮何時晨寢肅肅兮蒼野康陰

陰兮綠塵拂曉几兮泣長御瞻暮柏兮悲宮臣聖孝執喪於三歲
輿情結慘於八垠嗚呼哀哉塗山殞兮夏盛太任歸兮周隆視今
兮揆古軼德兮踰功彤管之紀但傳於土苴白玉之鏤惡足以形
容嚴清廟之登配光億載以無窮嗚呼哀哉上同

是日上自慶壽殿步導梓宮且行且哭至宣德門外立班俟時號
慟不絕聲王珪等及雍王顥曹王顥更進開釋不能止百官士卒
感動悲咽高麗使至於出涕靈駕既行上衰服還內百官辭於板
橋退改常服入門翌日詣閤門進名奉慰又慰皇太后於內東門

上同

二十五日太常禮院言慈聖光獻皇后祔廟前二日告天地社稷
太廟皇后廟如故事至日奉神主告詣僖祖室次翼祖宣祖太祖
室太宗皇帝懿德皇后明德皇后同一祝次饗元德皇后慈聖
光獻皇后異饌異祝行祔廟之禮次真宗仁宗英宗室禮畢奉神
主歸仁宗室如此則古者祔謁之禮又近代編鑾故事並行不從

之其三月朔并寒食節大行太皇太后未祔卜宮酌獻於幄殿上同
二十七日山陵禮儀使言虞主回京乘翟車神帛在大安輦今定
行圖輦居前車在後恐於義未安乞下有司議太常禮院請以車
在前從之上同

三月六日靈駕至陵所羣臣奉慰及慰皇太后上同

十日葬於永昭陵羣臣奉慰及慰太后上同

十四日太常禮院言遺詔雖言釋服後勿禁作樂續詔民庶過百
日作樂自啟嚴至祔廟詔復禁止即羣臣自宜依禮律期年聽樂
詔三路沿邊官祔廟畢許用樂餘文武官皆期年上同

十五日虞主至自永昭陵羣臣迎於板橋皇太后迎於瓊林苑有
司行六虞祭上服靴袍迎於內東門外奉安於慶壽殿羣臣奉慰
初詔陵山使以下導虞主至板橋先入朝謁而禮儀使陳薦因
請令侍從官前導至集英殿禮官以為不可上批虞主於集英殿
奉安據禮官從臣之議終為未允蓋集英殿在平日未嘗一御又

非昔曆殞宮之所殊失安虞神靈禮意或作慶壽殿奉安恐亦無嫌可太常禮院詳定以聞既而禮官以為於義無嫌請虞主自右

掖門繇承天宣祐內東門入慶壽殿虞主至京山陵使以下導至

右掖門並從之

上同

十六日七虞祭羣臣奉慰自是八虞九虞皆上親祭

上同

十九日卒哭祭羣臣皆奉慰

上同

二十一日上宿於慶壽殿側輔臣宿於本司百官宿於朝堂

上同

二十二日神主祔於太廟

上同

二十五日德音兩京畿內河陽減死刑釋杖罪沿山陵科率蠲復

賦役應奉行事官量與恩澤

上同

二十七日詔六宅使宋用臣修皇堂有勞於見寄使額上遷五資

上同

五月八日宰臣王珪言弟尚書職方郎官琬昨主管山陵使司牋

表乞推恩訖以琬為蔡河撥發

上同

四年十一月二十三日禪祭宰臣王珪等上表請聽政詔答不允
五表乃從之上同